

華
嶽
全
集

華嶽全集卷之十一

欽命鎮寧潼關兼攝河南山陝等處地方軍民事務馬巫山伯馬五耀
欽命鎮寧潼關等處地方提督軍務馬五理學政防禦使劉蘇

華陰縣縣令曹士掄編輯
華陰縣學正王名堽較正

藝文

詩

七言律詩

唐

望嶽

杜甫

西嶽峻嶒竦屢尊諸峰羅立似兒孫安得仙人九節

杖拄到玉女洗頭盆車箱入谷無多路箭括通天有
一門稍待秋風涼冷後高尋白帝問真源

行經華陰

崔顥

岩峩太華俯咸京天外三峰削不成武帝祠前雲欲
散仙人掌上雨初晴河山北枕秦關險驛路西連漢
時平仙問路傍名利客無如此處學長生

華山下

司空圖

穉冠新帶步池塘逸韻偏宜夏景長扶起綠荷承晚
露驚回白鳥入殘陽久無書去干時貴時有僧來自

故鄉不用名山訪真訣退休便是養生方

華山

李洞

京兆人宗室

碧山長凍地長秋日夕泉源聒華州萬戶煙侵關令宅
四時雲在使君樓風驅雷電臨河震鶴引神仙出
月遊峰頂高眠靈藥熟自無霜雪入人頭

宋

復召陳搏

太宗

三度宣卿不赴朝關河千里莫辭勞鑿山選玉終須
得點鐵成金未見燒紫袍綽綽宜披體金印累累可
掛腰朕賴先生相輔佐何憂萬姓輟歌謠

答使者辭不赴詔

陳搏

九重特降紫泥宣才拙深居樂靜緣山色滿庭供畫障松聲萬壑即琴絃無心事祿登台鼎有意學仙到洞天軒冕浮雲絕念慮三峰只乞聽千年

赴召答葛守忠

前人

鶴氅翩翩即散仙蒲輪爭忍利名牽留連華嶽傷心別回顧雲臺望眼穿涉世風波真險惡忘機鷗鳥自悠然三峰纔欲和衣倒又被天書下日邊

辭朝歸華山

前人

十年踪跡踏紅塵為憶青山入夢頻
紫陌縱榮爭及睡朱門雖貴不如貧
愁聞劒戟扶危主悶聽笙歌聒
醉人携取舊書歸舊隱
野花啼鳥一般春

登華山

韓琦

兩行修竹夾雲根引入蓮峰山下村
病骨醒魂安氣母幽亭淑景壓山孫
金堆望遠千灘出玉漏聲喧萬
馬奔坐歎空勞無計處却尋歸路日黃昏

謁陳先生祠

邵雍

仙掌峰巒峭不收希夷去後遂無儔
能斟時事高樓

手善酌人情畧撥頭盡虎不成心向在悲麟無應淚
橫沉悟來不必多言語贏得清閑第一籌

玉泉院

陳述古

山孫亭足歌屏石仙掌峰跟噴玉泉乍到林巒迷眼
界欲將泉石較心田一泓潛利終歸海五色焰輝未
補天物我無言空自笑慢將新句隄磨鐫

金

寄笏青柯坪

馮延登

飛雪驚沙捲屋茅清寒潑水透綿袍松風度壑江聲
遠蘿月當軒扇影高敢向名山談世事不妨空腹貯

離騷且將手版牢藏起政恐山人識馬曹

荅華陰宋先覺

張建

雲臺清進憶當年詩筆逢君厭老拳
後會邈如千里遠壯懷不似十年前
風帘搖曳橋南酒煙樹溟濛渭北天
咫尺靈山飛不到夢魂長達玉峰蓮

練軍太華山陰

顏奉國

閱兵肄武曜驂騑仰視蓮峰間碧流綫是邊陲
狼煙滅蹙誼鼙鼓角聲幽如貔如虎威風銳積玉堆藍
真氣浮未老君恩須重報終焉更卜隱巖陬

元

希夷

張輅

紛紛五季動兵塵鍾秀乾坤產異人
誦易暗驚神物護相形明識帝王真
浮榮軒冕無心羨高卧雲山有意親
南北宋朝三百載清風凜凜獨超倫

登灝靈門曉望

前人

灝靈官闕隱岩堯清曉空濛瑞靄飄
千古金城存祀典累朝寶冊刻瓊瑤
蓮峰天際終須到仙掌雲間遠見招
詩客凭欄興難盡跨鸞安得上層霄

華山二首

張翔

雲開華嶽鬱嵯峨飛翠時來近玉珂鶴駐松崖秋積
雪龜巢蓮井曉無波山中酒熟憑花勸馬上詩成倩
鳥歌欲採靈芝尋未得盆石瑤草占春多

三峰雲滿紫芝田十丈花開玉井蓮白帝真源深固
地金精灝氣遠浮天一杯蒼海波搖月九點齊州樹
帶烟千首新詩百壺酒醉來騎鶴訪群仙

皇明

華山

秦康王

萬仞巍峨出自然巨靈手擘是何年三峰秀出雲霄
外一掌高擎日月邊李白問天登絕頂陳搏傲世隱

危巔何當穩步長梯上摘取峰頭玉井蓮

入西嶽廟

秦簡王

疊嶂凌虛紫翠堆闕宮千古面崔嵬一簾香霧晴猶
合滿地松雲晝不開烜赫威靈昭彤鑿駢繁神貺殷
赤霄凡庸竦息恩無極領得宜男福壽回

西嶽廟致齋

前人

衣自溫泉浴罷更擬將禋祀報神明盤供野藪無兼
味天湛靈臺有至誠跋涉敢辭長路杳淵渟應喜此
心清虛堂待旦渾無寐飽聽松風隔座聲

嶽廟致祭

前人

輝煌廷燎照深更
髦士如雲共一誠
東帛辦香崇簡
素朱絃玉管載和鳴
禮嚴三獻神威肅
廟食千年享
精我碩明靈昭景
貺更同民物遂生成

仙掌

前人

巨靈神臂向洪厓
雲際分明一掌開
捧出海天紅日
近悅將蓬島列仙
來翠光閃爍紫朱
草玉笋聯翩繡
綠苔隔斷紅塵渾
不到擎天功業陋
三台

經華陰

黃玄之閩人

西遊莫嘆勞行役
風物繁華記往年
千里關城臨渭

水萬家烟樹入秦川
露盤臺迥金為掌
泰華風高石作蓮
聞道盛時多宴樂
更傳車駕幸溫泉

玉泉院

王履姑蘇人

百道泉面面幽琮琤音裡寄
冥搜兵餘道士渾隨俗
火後堂基獨占秋
塵跡未緣幽澗轉
野情先遶上峰流
院前洞有扶搖在
笑間如今得睡不

贈玉泉院道士

前人

五十餘年擾擾間
每逢山處似無山
嵌巖窟裡尋三昧
神秀叢中見一班
既解梯飈乘猛進
何須咋齒悔狂攀
它年儻許重相見
曾向師前開九還

過千尺嶺百尺硤

前人

千尺亭亭百尺連，祇緣奇觀在層巔。
欹斜朽級難爲步，飄忽飛魂只看天。
雲谷可探神未許，松風宜聽耳無權。
老夫敢向危中過，不是真仙也近仙。

和唐崔顥韻

楊榮

魏峨西嶽峙咸京，天削芙蓉畫不成。
勢逼雲霄撐日月，氣通川澤候陰晴。
秦關北去天垂險，漢時西臨類砥平。
回首武王祠下路，行人過盡暮烟生。

華山

薛瑄
河津人

馬首嵯峨見華山三峰削玉最高寒層陰舊接黃河
水秀色常連紫氣關只有烟霞生澗谷總無塵土翳
林巒西還更與山靈約擬上雲梯仔細看

登華山和韻

王恕

三原人

大河一脈繞潼關關內名山說華山莫道神仙居海
上誰知秀氣在人間不須遙問自須見只可仰觀不
可攀欲訪希夷有何術浮生未得一時閒

登灝靈門

龐勝

荊州人

重巒疊嶂翠陵嶒用盡丹青畫不成形勢西來連隴

蜀烟霞東去接蓬瀛月從玉女峰頭掛天在仙人掌
上擎倚遍欄杆凝望處絕勝風景入吟情

經華嶽廟

李賢南陽人

華嶽巍巍勢獨雄層霄削出翠芙蓉紅光映日仙人
掌黛色連天玉女峰絕頂泉飛千尺練懸崖根固萬
年松四時賴爾興雲雨歷代尊崇祀典隆

華山四首

官賢平度人

蓮花峰下曉晴時傑竦丹霄分外奇渭水垂光橫北
塞扶桑移影到咸池瀑飛萬丈當空瀉松歷千年徒

壁垂安得颺輪凌絕頂拂衣大斗一題詩

蓮花峰下暮春時天際飛來別樣奇
林隱希夷貪睡洞花開玉女洗頭池
黃河渭水襟裾帶蒲坂中條肘腋垂
頗恠平生偏枝癢舉頭四首要賡詩

蓮花峰下夕陽時晚影餘光也是奇
紅照帝宮飛北闕綠橫鳥道射龍池
新嵐散亂皆斜立仙掌溟濛欲倒垂
鈇筆案頭閑不住興來狂寫幾篇詩

蓮花峰下雨晴時變態之間又出奇
纔見風吹沙漠地忽聞雷迅渥洼池
白雲似練吞還吐翠霧如絲卷

復垂閒步蒼苔看不足一天清氣入新詩

望華

吳綱

簇簇芙蓉翠挿天淋漓紫氣望中旋孤高挺拔三峰
外磅礴胚胎二象先峭壁痕如仙掌見枯松形似老
龍懸我来欲候希夷覺試問先天與後天

按蜀過太華

王越 江都人

驄馬行過太華前詩情無限景無邊鶴巢賀老巖頭
樹雲護陳搏洞裡田王女盆高常捧日仙人掌大欲
擎天明年再與山靈約來看花開十丈蓮

代祀嶽廟

劉健 洛陽人

拔地三峰勢最雄，蒼堯千古鎮關中。
嵐烟杳靄凌層漢，禮秩尊崇視上公。
十丈瑞蓮生玉井，百圍老樹護琳宮。
興雲作雨須臾事，願佐吾皇致歲豐。

雨過華山

郭登 臨淮人

蒼蒼烟藹望中深，萬朶芙蓉疊翠岑。
自古神尊當配帝，暫時雲起便成霖。
仙人猶試擎天手，逐客空懸捧日心。
好待東歸修祀事，自消香幣一登臨。

希夷祠壁

前人

道院深沉緊傍山，崎嶇石磴捫蘿攀。
烹茶童子連雲煮，採藥仙翁帶月還。
風送磬聲來枕上，花隨流水到人間。
半生勲業空無補，吟對希夷起汗顏。

仙掌

雷霖華陰人

危峰矗倚暮雲寒，赤手摻摻紫翠間。
彷彿身親扶日輶，分明手段撥天關。
壁開山放黃河去，洗盡兵將碧漢攀。
學士謫來詩有怨，擎天今古幾曾閑。

遊華山

張翥陽城人

萬壑雲消雪半晴，登臨應念宦途輕。
松蟠怪石蒼龍

偃水落寒崖玉練明今古裡誠榮
帝命歲時靈氣
福蒼生乘閑高駕天風便仙掌從容卧月明

華山

王竑
河州人

太白終南擁後先華峰高聳勢巍然
金精默鎮三秦
地玉井曾開十丈蓮潭底老龍時作雨雲端仙掌獨擎天
邊方寧謐兵民樂奠我邦家億萬年

華山

馬鑾

山峰如畫路如梯今古詩人費品題
仰觀天表三光
近俯觀人間萬象低
健鳥競飛飛不到巧猿欲上上

伺依我欲西行問王母青鸞不惜借來騎

登華山

戴珊 浮梁人

亭亭千仞翠芙蓉遠眺高攀眼界空身世無憑天上
下古今不老日西東晉雲洛樹蒼茫外華祝嵩呼德
化中琳宇輝煌開寶座萬年香火協神功

望嶽

張用翰 南陽人

西入關中見華山數峰高聳大空間青霄仙掌擎天
立玉井蓮花向日看五色慶雲呈瑞應四時靈雨濟
涸殘安能學得輕身術飛入窮崖煉大還

謁廟

王暹 會稽人

群峰環拱華山尊羅立依稀從子孫四野雲容如潑
墨三更雨勢欲傾盆豈期出岫歸秦嶺終擬懸河溢
禹門西嶽明神萬年廟更於何處叩靈源

祭西嶽和韻

王宗彞 東鹿人

西歷群山第一雄半天生出玉芙蓉高華紅日勞仙
掌俯瞰白雲過亂峰懸瀑交流渾似練老虬盤曲盡
為松興霖禦旱回玄造陰濟吾民功最隆

地震祭西嶽

章玄應 樂青人

太華峰頭雪未消，千岩萬壑盡瓊瑤。
蓮花倒插青霄去，仙掌平臨北斗遙。
白帝有靈分造化，蒼龍無跡起塵囂。
從知重載坤元久，可使三秦浪動搖。

望華嶽

楊慎 成都人

白帝真源紫界封，金天削出玉芙蓉。
高擎零露仙人掌，俯瞰明星玉女峰。
陽壑春留千歲草，陰岩雪蔭四時松。
頻年來往塵埃裏，敢向山靈問遺踪。

陪祀西嶽

左珏

巍巍華嶽插青霄，一柱擎天奠六鰲。
舉手欲攀紅日

近回頭惟見紫宸高禮陳牲幣行三獻樂間笙鏞奏
九韶我豈不知仙可學願將功業報 皇堯

望華山

李翰 沁水人

遍倚層樓望華山三峰雄峙碧霄間西臨少華如丘
垤東壓中條似彈丸仙掌兩餘雲氣濕洞天秋早露
花寒何當了却王臣事絕頂捫蘿試一攀

仙掌

曹璉 永興人

巨靈仙去杳無蹤一掌猶存鎮華封捧露釀成金沆
瀣擎天削出玉芙蓉雲生絕頂迷歸鶴雨霽丹崖起

卧龍最愛攀緣翹首處天門初隔兩三重

華山

楊一清雲南人

萬朵芙蓉鎖翠烟紫巖千仞入層巔扶桑弱水蒼茫外積石龍門指顧前獨望丹梯懷捧日浪傳仙掌可擎天禳灾却虜須神力早為蒼生解倒懸

登華山二首

王雲鳳和順人

一峰便覺衆山卑不說神仙也自奇地擁綠雲光靄
隼天垂碧海浪參差千尋空谷傳呼吸萬里清風入
肺脾欲向丹崖題姓字恐教猿鶴笑塵羈

塵寰名利漫紛紛到此何須著耳聞
井泛紅霞蓮十丈泉生香霽酒三分
泉有三分酒味野人慣續登仙譜俗士
空傳倭佛文山下有儒官作建寺碑極稱佛教者
未向泰山小天下欲登高頂看浮雲

登華山候謝侍御

前人

去年春霽今秋爽兩度河山入望時
德未感人官可愧事難如我世翻疑
愁多屢有思親夢興懶全無寄
次詩聞道雲臺剛咫尺謝安遊賞似相期

登華山同喬白巖

前人

欲剪溪頭一段雲
陳搏洞口坐清薰
路穿裂石寸步險
山到中天數尺分
日月崖寒晴作雨
玉泉院寐午如曛
白巖獨上西峰頂
費我招呼總不聞

登華山

喬宇 太原人

巨靈遺跡迥難攀
白帝西來控海寰
日月兩丸生石上
虹霞千丈繞岩間
地高長有蛟龍窟
天近偏嚴虎豹關
頗恠同遊王子晉
浣山先載玉笙還

虎谷未至故云

題華山四子

石价 藁城人

陳搏

閑身又被白雲留一片青山與意投
夢裡不知天地闊春來誰記鳥花愁
群生消息憑周易歷代興亡付海鷗
亦欲啓烏相問道斜陽孤嶼但寒流

楊震

關西夫子實儒師故里相經重感思
暮夜却金渾易事青山理玉幾何時
洞庭秋水連空白紫極台光奕世垂
天壤不窮名獨在斷原荒草對豐碑

李白

蓋世文章李謫仙騎驢衝尹是何年
城隍落落良非

昔與故依依尚可傳采石江空閑夜月華陰山冷起
秋煙如今踪跡無拘束汗漫清遊紫府前

韓愈

大儒名可並高峰況是峰前躡有蹤悟道東山真小
魯濟時北海已騰龍縣官百計方能下仙子千年去
不逢我亦乘風凌絕頂坐凭苔石看芙蓉

陳搏

王九思鄆縣人

華山隱士羨圖南高卧於今尚有龕花鳥多情誰作
主雲霞無恙夢猶酣玉峰臨路空勞望鐵索懸崖不

可攀我欲東尋劉禹錫結茅同住碧巉巖

楊震

前人

關西夫子楊伯起萬古清風暮却金高塚孤眠斜日
外英魂獨逸華山陰壯年歸隱薇垣客少日翱翔翰
墨林俯仰不勝今古歎往來浩發短長吟

李白

前人

騎驢寧避華陰令走馬曾於五鳳樓采石狂遊醉欲
死長安不見却生愁名齊杜甫追風雅運落南箕起
旁尤過客悲吟蓮嶽下問來元是謫仙流

韓愈

前人

潮陽昔恨征途遠秦嶺今看廟宇新
青史長留佛骨表蒼天終護孔門人
海國豚魚隨變化衡山雲霧破嶙峋
此日逐臣多感慨千秋灑淚一霑巾

宿鎮嶽宮

馬理三原人

太華巖巖倪西周暮年遊歷風心酬
丹梯綠壁三千仞石磴盤雲幾百週
紅日厓根雷電合蒼龍岩上鳥猿愁
板來沐浴峰頭卧玉女盆漿漸斗牛

擬喬希大登西峯

杜旻 燕山人

遙臨絕頂意茫然不敢高聲恐動天
俯瞰黃河真若帶回看太白可能
肩憑凌霄漢卑塵世驂服螭虬禦
晚烟歸接笑言拋賸馥清香曾嗅
井中蓮

第一關望華山二首

前人

石磴峻嶒踏暖雲香生澗草度晴薰
翠華迎馬明雙目俗癖令人去幾分
欲覓仙踪窮異境擬憑崑樹掛斜
矚悠悠鶴駕那能及飛溜鳴篁處處聞

靜看三峰勢更巉丹書歌欲啟瑤函
雲岑鶴唳金天迥蘿逕苔深玉府絨
滿耳松濤鳴遠澗千尋泉瀑外

重嶺奉常自是多高興獨有大登西峰勒名而下故云絕巘今將姓
字剗

玉泉院和宋陳述古韻 李璿臨汾人

古洞千年眠枕石夢聽石竇嚮流泉欲窮絕頂攀仙
跡先望懸崖指墓田瑞氣作蓮開玉井靈光祝掌露
金天不慚塵俗題詩句也拂蒼崖一空鐫

玉泉院和前韻 張勛完縣人

松枝倒影祠前水好似當年洗耳泉一徑烟霞迷藥
竈半丘殘照認芝田心忘物外都無累夢人華胥別

有天几骨未仙仙自別只將粗跡用碑鐫

雲臺觀

李夢陽慶陽人

雲臺觀枕玉泉湄翠削三峰對不移窓裡山光時隱
見晚來雲氣壁淋漓醺辰絳節朝群帝天路金童引
鳳瀟頭白掃門憐弟子斲松石礙白苓滋

望希夷峽

康海武功人

名山佳氣鬱嵯峨望裡風烟暗薜蘿萬疊春開青錦
障一淙晴下白雲窩空將尸解傳茫昧自覺天工厭
琢磨夫子若無驢背笑陳橋誰識大風哥

第一關次聯句序上寧菴先生 前人

拂曙披雲到此關
喜隨綦履望名山
芙蓉半出青天外
沆瀣中分白石間
定有神功扶帝力
豈須靈藥駐衰顏
攀蘿未覺尋行倦
細和新詩及暮還

登灝靈樓望嶽

石星 東明人

海內名踪數華山
側身西望阻秦關
經過正喜登臨便
病體還愁步履艱
歷歷三峰浮象外
迢迢孤掌出雲間
向平有約終須踐
但恐山靈笑俗顏

遊華山

張翰 騰驥衛人

平生夢想華山高此日登臨興益豪
路入雲臺烟合樹亭開泉院石翻濤
好花綴嶺名難識絕巘升輿鬢
欲搔却憶希夷空遠跡翠微深處有人招

遊青柯坪三首

溫純 三原人

削成絕壁倚危梯剛到山腰眼界迷
為近天門尋白帝故從鳥道挂青藜
跼盃欲併峰蓮吸得句先携玉女題
正好乘風凌絕頂歸來恐作退之啼

盡日探奇恣壯遊幾番回首憶秦州
依稀紫氣從關過宛轉黃河入檻流
舊國咸連芳草合昔賢丘與野

烟留而今北極湏良佐誰輩長安億萬秋
陡起峻嶒插漢齊簇成百二覺雲低近連涇渭同朝
北遠棲崑崙獨鎮西懷古應憐周邑盛憂時常抱杞
人迷不成此日陳搏卧漫和當年杜甫題

華山

秦文

臨海人

攀藤梯石望三峰步到清奇見化功龍劍騰驤初出
匣峨冠突无聳層空九河浪盡日明海六幕雲低人
御風軒睡老仙何處是落霞飛映井蓮紅

華山

屈直

華陰人

駐馬橋邊仔細看金精積翠盡應難當天幻出仙人
掌就地生來司寇冠十丈蓮花開玉井萬年松樹鎖
烟巒欲將兩腋成雙翼飛上峰頭弄極丸

華山

屈安人

直之女韓
邦靖妻

五嶽叢中第一尊挺身捧日壯三秦參差野木垂千
古避世官人那計春掌上雲生占兩信丹成洞口跡
猶新鴻濛始化玉泉水端浣乾坤不盡塵

華山二首

韓邦靖

朝邑人

平生夢寐在山林鹿馬何辭渡遠岑終古乾坤長屹

立半山風雨自陰晴崖飛瀑布千尋玉嶺背斜陽萬
壑金闕道尋常巖穴裡時時還有卧龍吟

萬壑散峰俯太行曾聞此地是仙鄉山容濃淡無常
色花氣氤氳有異香天上斗牛知不遠人間猿鶴可
相忘攀遊日暮還高興未許浮雲近夕陽

望華嶽

任儀

福建人

撐天拔地壯三秦五嶽分封屬此神絕壑雲埋千歲
樹高峰花古四時春靈鍾將相四昌運世際明良有
睡臣 聖主歲時嚴祀事莫忘利澤及斯民

瞻華山

李素

雲南人

幽思吟懷豈易裁
停驂落日便登臺
遙看石局千尋
秀浪說峰蓮十丈開
迴合烟嵐留晚照
尋常風雨起春雷
何當飛步丹梯頂
獨倚青冥瞰九垓

遊華嶽

東郊

華州人

尋真遠躡碧山頭
閬苑瑤臺任意遊
翠栢幾株籠紫洞
紅桃萬樹遶清流
興高却厭鶯花戀
心靜頻貪木石留
隱睡神仙知我到
應來同酌醉芳洲

遊希夷石洞聯句

王忠

四川人

石亭談笑坐高寒

碑齋

四顧還驚眼界寬
西嶽中條煙

水渺

山葵

紅塵白日路岐難
夕陽似共絃催酒

碑齋

晚吹

何嫌我正冠醉裡放歌歸未遠

山葵

更要明發盡餘歡

碑齋

白雲峰

胡嘉謨

涇陽人

險到白雲十九經
睡醒忽然意欲停
直北河流成線遶
對南仙掌和煙清
孤峰暑日衣裳冷
萬壑松風月夜聽
已悟先天隨帶有
矢心端不負山靈

華嶽

楊輝

華陰人

華峰特立甚奇哉聳入青雲接斗魁
司冠冠從半空出芙蓉花在九天開
仙人掌捧朱陽轂玉女鬟粧皓月臺
試問山靈果鍾秀三公四世產將來

登嶽頂

陳棐
鄆陵人

白巖九日登松嶽我上蓮峰更占先
峰頂雲巾斜綰隼泉噴釣樂響潺湲
鸞輶應候瑤壇會仙杖難攀鐵鎖懸
强健欲昇仙掌上崑崙蓬海覽無邊

三峰如削傍天壇風磴穿雲十八盤
幽鳥一鳴山益靜長藤亂掛石如攢
素華間應金商節仙掌高扶司

寇冠欲借山靈洗冤枉泉流玉井瀉清寒

華山

潘塤

山陽人

仰止平生高華嶽山雲元只愛幽人飛崖欲訪孤雲
侶虛閣翻憐多病身有客朝元依日月見誰遺世出
凡塵聯洲獨有飄然興絕頂揮毫勒翠珉

遊華

東漢

華州人

山路登登絕巘頭芳春相引壯追遊望中晴靄千峰
碧天際黃河一線流花信催春憐去節山靈愛客苦
淹留石壇徒倚清樽盡方士何勞話祖洲

太華

張翀 潼川人

萬仞凌空北斗平遙乘黃鶴步虛行天門有路通霄
漢石室涵香徹太清甘露朝從仙掌落玉泉時向井
蓮傾山靈會有神仙過飛下三峰老樹精

登華嶽樓

李經 澤州人

獨上西南第一樓無邊光景豁雙眸薰風尚解吾民
愠壯志寧忘帝主憂華嶽連雲常北拱黃河如練
自東流凭欄咫尺瀟關路誰請長纓繫虜頭

謁希夷

趙儒 華陰人

布衣處今何在谷口山
蓀嚮玉泉庭有青松無歲
月時來黃鶴共雲烟
從頭打破先天易是後誰傳河
洛篇我亦欲歸得小隱不知何以淨心田

華陰公署款留秀峰李掌科登三峰不果

悵然有作

裴紳蒲州人

風靜雲翳眼更明
款留佳客不勝情
神工巧削芙蓉
秀大地橫開翡翠屏
俯瞰黃流縈紫帶
高瞻白帝閃霓旌
何時共訂山靈約
直上真源問太清

華山

李仁東阿人

白露清商近杪秋蓮峰雲霧鬱難收人寰不作三峰
隔塵鞅真為五馬留哀壑坐中天籟發飛淙杯底浪
花浮他年果遂歸田計布襪青袍絕頂遊

華山

唐順之常州人

聞說華山近日邊果然人語不虛傳羊腸曲路通朝
客鶴膝高峰住大仙伸手不難攀皓月轉頭容易上
青天江南江北都遊遍誰與華山可並肩

登嶽廟樓二首

朱應登

瀨靈樓畔三峰峙永奠高居侍玉皇簷外日高金榜

動谷中雲起紫芝香祠官故事西風遠聖主如樹北
極長八月涼風坤岳靜旌旗龍興有河方

東壓黃河勢已雄更臨西嶽俯遙空荆陵總出三峯
下灞澹都歸九曲中絕域衣冠通上郡行人車馬入
新豐秦陵漢時依然在擬賦西都恐未工

登華嶽

楊爵

富平人

夢想頻山二十年今朝散步上其巔奇峰塵外峻嶺
立恠石雲間顛倒懸雨過一聲促織嚮樹深幾笠牧
童眠大觀到此方為得覺我心天高萬千

望華山有感

程軫 臨清人

七載東行今入關
秦中還是舊河山
紅塵奔走皆新吏
白髮零星非故顏
憲節兩持慚朽拙
太華三度愧登攀
地震異常城廓變
須求民隱救時艱

望華山四首

胡松 滁州人

茲行豈亦係前緣
春日晴臨十八盤
玉女峰頭雲自散
青柯坪上露初傳
傍嵒瑤草時堪拾
絕頂丹霞淨可餐
石井陰陰足涼冷
便從雲磴叩天壇

三峰之上綠鸞翻
三峰之下玉龍懸
青霄萬里開一

線北斗星坪看點烟似有飛仙移絳節齊從玄女乞
金蓮招遙欲問長生秘白石纍紫雲滿天

陰霾累日愁氛塞爽霽連霄喜豁然豈是山靈欣客
至故款風物散尊前更疑龍象盤空下到處鼉鼉抱
日懸玉洞丹樞紛入望底須萬里訪蓬仙

烟霄寤寐廿年餘萬里常懷遠索居此日來遊春甫
半諸生共許興合舒天清河渭分三晉野曠星纏辨
九輿最是江流看獨切鄉關雲樹滿秦墟

觴青柯館書壁

盛汝謙桐城人

綠樹晴雲太乙東薰風清繞灝靈宮青蓮戍削星辰
外碧玉濛濛澗道中目縱關河窺色象心回宇宙悟
鴻濛萍逢此際歎無極歌罷皇華炷已紅

次古泉代巡韻

李延康長治人

為訪玄關躡華東天風吹我度仙宮三峰碧落依天
表二水瀟沅入望中兩過玉盆晴色潤日臨仙掌曉
烟濛塵凡未遂餐霞想惟把衰顏藉酒紅

同茅塘年兄登西嶽樓 前人

華陰城外灝靈樓與客同登快壯遊十二危樓憐獨

步九天狹色縱雙眸林間萬葉紅如錦
世外三峰翠欲流聞道靈文藏石室
塵凡從此覓丹丘

登華嶽

孫永思蒲中人

萬山積翠破烟氛盤躡青柯問地君
泉瀑石門長漢落峰當空界一天
分龍巖雪霽明殘日鳳曲林寒度
彩雲欲唱採蓮仙掌路鳥驚猿泣
不堪論

登莎蘿坪

前人

莎蘿坪上雪光殘白石璘璘鳳竹鮮
人在上方扳玉柱雲從仙洞擁青蓮
紫芝黃鵠誰同侶瑤草丹丘不

記年莫問希夷藏骨處古今踪跡總堪憐

登山紀行

宋儀望永豐人

九月西巡歷華陰名山偶共故人尋千盤仄徑穿雲
入百道飛泉落澗深碧漢開樽承曉日青天吹笛響
零林相留盡日忘歸路不語聊參出世心

雲臺觀

前人

雲臺仙觀枕雲隈絳闕遙瞻霄漢回當戶碧蓮開華
嶽拂壇蒼檜護蓬萊採芝欲向名山老避穀爰從黃
石來為謝羽流休問姓玄都幾見把樵栽

華山登眺二首

張瀚

仁和人

三峰壁立與天齊，雪滿空山信步躋。
玉井吐花明碧漢，石門飛瀑洒丹梯。
近人猿鶴調絲竹，出岫烟霞擁杖藜。
擬向仙靈問真訣，珠幢絳節望中迷。

路入青柯挹紫氛，西玄深處覓裴君。
從知軒冕非身計，已覺仙凡此地分。
峪裏寒光生積雪，林端清吹住流雲。
持觴正對龍潭月，山郭疎鐘不柰聞。

莎蘿坪和孫代巡韻

前人

蘿滿巉岩莎映川，寒山蒼翠晚猶鮮。
黃雲影落三河

水青靄光搖十丈蓮御道草荒餘漢跡宮娥仙化憶
秦年紅顏羽翰尋常有醉把金漿漫自憐

登山和宋代巡韻

前人

華山谷口晝陰陰百轉崎嶇凌萬尋挽葛鳥驚天井
沓弄莎龍起玉泉深炊烟縹緲雲連郭仙路高寒風
滿林緩步三台依石室倏然悟得子微心

登華嶽

陳以勤南克人

三峰蒼翠望中懸待我登臨幾十年縱目全低千界
影則身遠盪萬重烟雲深仙去惟留掌地老池枯不

見蓮何日御風凌絕頂獨提星斗對青天

登山四首

李攀龍歷城人

華頂石梁四望開正逢蕭瑟氣悲哉黃河忽墜三峰
下秋色遙從萬里來北極風塵還郡國中原日月自
樓臺 君王倘問仙人掌願上芙蓉露一杯

縹緲直探白帝宮三峰此日爲誰雄蒼龍半掛秦川
雨石馬長嘶漢苑風地敞中原何日盡天回望裡夕
陽空平生突兀看人意容爾深知造化功

太華高臨萬里看中原秋色更漫漫振衣瀑布青雲

濕倚劍明星白日寒東走峰陰搖砥柱西夾紫氣屬
長安自憐絲筆驚人在咫尺天門謁帝難

徒倚三峰最上頭蕭條萬里見高秋蓮花直撲青天
色玉女常含白雪愁秋杪雲霾沙漠氣岩前日暈漢
江流停杯一嘯千年事不擬人間說壯遊

中秋登嶽頂賞月

馬自強

同州人

為愛峰頭秋色好扶筇直上躡層嵐風來渾覺身如
御月近真疑手可採影轉千松仙掌度光收萬象玉
壺涵貪竒不畏涼侵骨徹夜吹笙倚半酣

登華山

莫如忠華亭人

華嶽嵯峨接大荒，關河眺迥入微茫。
希夷峽口雲封，玉女盆前雨洗粧。
地湧三峰蓮作相，天留半月石生光。
興來直欲探奇絕，醉倒仙人露掌傍。

答于鱗寄登華諸篇

王世貞姑蘇人

落日中原太華陰，客携秋色獨登臨。
俄添嶽掌蓮峰峻，忽入關頭紫氣深。
六著仙人邀對博，三漿玉女醉還斟。
誰憐此地餘秦觀，西望雙懸萬古心。

登太華寄興二首

陳其學登州人

萬烟信起谿塵畔別館風微遮薜收細路猿啼青嶂
合幽龕鶴夢白雲浮擬隨藥井和金鼎浪說蓮池泛
鉄舟携手層陰掃岩石恨無謝眺與同遊

芳月行春落鴈初釣梯綠盡見何如三峰倒景黃河
外一逕通垠白帝居露瓜半依靈草拾洗頭新傍晚
烟梳虛徐亦會縈雲下却憶乘風倚化祛

奉命秩祀華岳遇雨會萬壽節雨晴

拜賀即事

前人

明衣深坐野烟寒絡婦干齋客夢殘吉會雨晴開

聖誕早隨星夕禮靈壇玄符白帝真源合玉籙金天
引際寬遙聽山呼三萬歲無須方外覓神丹

登西嶽樓

周怡

樓觀巍然接紫霄入關雄壯此遐標三峰靈護乾坤
定萬國人懷方嶽朝曉看雲霞飛棟宇夜聞閭闔奏
簫韶獨憐下界氛祲極欲扣天門轉斗杓

雲臺觀

前人

雲臺日對華峰雲蒼白翩翩朝暮分一枕使誰眠睡
穩千山勞我拊摩勤洞門新有烟霞主谷口原多麋

鹿群莫謂野人無箇事風來時有善言聞

雲臺觀

楊九澤華陰人

獨尋春色上雲臺三月花香遍九垓何處碧烟籠翠柳誰家象管勸螺杯斜陽返照千峰樹曲水潛通兩岸苔因就松林成晚憇滿梁皓月若為陪

玉泉院

前人

玉泉道院水溶溶石上閑亭對碧峰幽徑落花春去早疎簾斜日燕飛慵窓含翠岫晴嵐色雲斷長溪兩岸風洞裡睡仙何日起

希夷睡象在院內石室中不堪吟罷繞林

鍾

莎蘿坪

前人

日暖風和登太華
縈紆一徑入莎蘿
閑花片片逐流水
過客行行上峻峨
道院尋常隨石砌
猿聲多是傍林阿
春來不禁登高興
欲向峰頭發浩歌

青柯坪

前人

誰向山腰作道家
蓬門鎮日鎖烟霞
笑看童子拾新菜
背指鶯兒落野花
歷歷泉聲穿竹去
悠悠樹影傍厓斜
不因霖雨催人急
兀坐石嵌煉火砂

雲臺觀二首

張潛 華州人

雲臺矗矗前朝觀對峙三峰削翠屏門近仙關通箭
谷窓迎瀑布鎖黃庭蘸壇日月垂邊鎮絳節烟霞引
灝靈斫石耕雲諸弟子欲求真訣問仙經

雲滿仙家花滿欄削成寶剎對銅盤五銖衣薄三清
駕丹液爐溫太乙壇山罨畫屏泉漱玉松棲白鶴月
停鸞紫宸間望青霄路闔闔門高碧落寬

望華

楊美益 浙江人

攬轡欣瞻太華巔丹青影落半空蓮浮浮靈掌雲間

動隱隱樓臺象外懸光映三台森列宿松餐五粒餌
諸仙鈇繩何日攀霞磴試結名山種藥錄

客途乘興偕近峰年兄登華嶽晚止莎蘿

評感賦

范懋和富順人

壯氣生平低五嶽兩經太華竟如何仙人竹杖不可
得絕頂烟霞空自多孤掌雲中擎日月三峰天外照
星河幾能脫然一騁望極目塵寰狂嘯歌

謁嶽廟

李幼滋湖廣人

寰中五嶽與天齊四嶽都遊今到西不信向平情漫

切獨憐楚客路非迷希夷世遠何由見井鬼星高尚
可躋白帝有靈應示我壇前瑤草已萋萋

謁嶽廟

孫應鰲

貴州人

懷仙先扣總仙宮白帝威靈秩祀崇藏馬漢皇無故
跡省方虞帝有遺風生涯欲藉堪巖老世事空憐戰
鬪叢為乞神功廣恩澤西方屏翰古稱雄

仙掌

前人

仙掌峻嶒太華東首陽仙趾亦玲瓏亭亭赤漢雙輪
下隱隱黃河一線通行處物華同跌宕望餘元氣只

江濤放歌不盡凌雲興月滿深山夜影空

華陰道中望川

劉日朴

西極高臨太華峰金天削出翠芙蓉蒼龍倒挂千山雨石馬長嘶萬壑風日射井蓮仙掌麗雲垂瀑布玉泉通乘鸞便欲凌烟霧絳節霏微白帝宮

謁嶽廟

前人

西嶽高標大素宮虞廷禋祀萬年同雲臺重鎖杉松
今天柱雙擎日月雄特地闢山盤虎豹有時雷雨走蛟龍秦中自古多形勝應識先天造化功

登華嶽

鄭國仕 魏縣人

偶登華岫訪名僊
煙霧繽紛盪翠巔
蛇骨久移峽內
壑塑形猶向洞中眠
僊人掌上盤承露
玉女峰頭井毓蓮
縹緲三峰一縱目
河山百二俱參前

峴石層層一線懸
三峰鼎峙五雲天
仰瞻紅日金甌覆
俯視黃流玉帶旋
雲遶峽邊疑護骨
鶴馴洞口怕驚眠
浮生咸類希夷夢
誰是塵寰醒夢僊

陳園南

前人

不愛浮名獨愛眠
白雲深處是家緣
神遊周孔甘同

夢跡類喬松那計年墜塞笑知天下定懷丹忌語帝
王前蚤年不遇五朝劇肯爲伊屈即石泉

蚤年登第已成名欲佐唐朝四海清豈意運殘難力
挽更無盜竊已形成逃名五季人龍隱應聘九重丹
鳳鳴未遂留侯師帝志故從辟穀覓長生

春遊西峰

王亮

臨海人

昔曾乘雪步西華此日春遊景倍嘉寶柱擎天來鶴
馭水簾吐月逗仙槎松脂每化千年珀蓮葉時開十
丈花寄語峰端雲外客王遙長醉赤城霞

遊華山

王預 汝州人

巍巍太華勢崢嶸西鎮秦關百二城雲捲蓮峰天外
秀露凝仙掌日邊明希夷嘉遯成今古李白高登著
姓名我亦遊觀重回首野花啼鳥不勝情

遊華山

劉崱

丹梯萬仞試攀躋可信三峰碧落薺玉女池頭霞未
散仙人掌上日初低寒烟繞洞鳴泉出古栢垂巖獨
鶴栖河事秋嵐尋白帝已看塵世隔雲霓

遊華山

文皓 垣西人

高插乾清重壓坤金精栗烈固雲根遙聯四嶽分兄
弟小視羣山列子孫石室烟橫丹竈藥蓮峰月映洗
頭盆回思也學希夷睡滿榻松風伴夢魂

登嶽

高天衢

華嶽山上見天根萬山奔服此山尊漢陵唐闕空寂
寂海兩洞雲時昏昏蓮華峰到牛女渚道士唱出龍
虎村我欲往從問黃白幽人高卧不開門

登灝靈樓

王圻上海人

縹緲危樓坊太清停驂稽首答神明豐碑爛日崇王

祀古檜摩霄發異莖萬岳聚靈歸法殿三峰飛秀入
雕楹遙看不盡登臨思還欲攀蘿上翠屏

題華山八景

仙掌朝陽

郭良 華陰人

乾坤佳氣霽清朝眼界分明紫霧消一掌正扶紅日
上六龍繞馭萬靈朝寅賓旭景通黃道出納晨光近
紫霄未許餐霞最高處草堂相對每逍遙

水簾晴瀑

前人

山頭雷雨夜驅龍侵曉雲霞萬壑空千尺飛流垂正

練一溪澄碧飲長虹明珠迸落丹崖底紅日正當仙
掌中淞我吟懷清可掬餘波應接大河東

玉泉道院

前人

丹氣絢緼散紫霞山蓀亭外有人家閑雲自在隱塵
世流水幾番浮落花入座猿聲啼谷樹當門虎跡印
溪沙神仙未了南華夢栢子香消日未斜

中方仙橋

前人

方梁橫玉駕飛虹絕壑深溪有路通翠壁雨餘雲作
檻碧霄烟淨月為宮步虛聲落朝元珮夷險名高濟

世功我欲扶藜凌紫氣不須騎鶴趁天風

石硤丹梯

前人

誰鑿蒼崖萬丈梯欲窮絕頂覓真棲致身疑在九霄上回首應知萬壑低日射丹棱生紫氣雨添石髓迸青泥龍眠何處藏仙骨雲穴苔深路欲迷

蒼龍鐵鎖

前人

蒼崖削出一龍蟠金鎖垂雲豈易捫不有神功開鳥道應無人跡到天門烟霞竟隱紅塵斷雲雨時驚白晝昏險絕未容逋客隱山靈何用勒移文

雲峰古洞

前人

重巒疊嶂碧森森白石蒼崖古洞深靈物有時通變化神遊何處覓幽尋交馳龍虎宜真隱吞吐風雲資苦吟海鶴歸來春又晚一聲清唳落松陰

雲庵醴泉

前人

一氣禎祥浹太和雲根地脉湧靈波日涵瑞彩明珠草春漲微瀾浸綠莎餘潤不妨供潔飲清時還憶愈沉痾道人亦悟心源溥靜聽滄浪孺子歌

仙掌朝陽

史紀華陰人

天霽雲空景象生
蒼荒仙掌俯秦京
千年極望駐元氣
一直高撐入太清
啼鳥聲中迎曙色
烟蘿蔓上掛疎明
推窓吟倚起孤興
快我辭官歸隱情

水簾晴瀑

千尺山巔瀑布飛
不關仙分到人稀
珠璣零落澣玄圃
氷玉帡幪遮翠微
滴滴澄流堪作賦
洋洋終日可忘機
羨紅蘋白秋風起
欲把綸竿上釣磯

玉泉道院

華山道士自幽然
結屋臨流讀太玄
嶽色參差來枕

上水聲詰曲到簾前鬼神夜守燒丹竈鶴膝閒眠種
玉田聞說陳搏三百歲猶言無分學飛仙

中方仙橋

天丁役力鬼工成人在秋虹背上行高入紫霄通鳥
道下臨紅壤小咸京蘭香佩玉朝金闕子晉吹笙引
月明萬籟不鳴秋夜寂清風飄落步虛聲

石硤丹梯

懸磴層梯萬丈攀襟前樓閣是長安回看脚底飛雷
雨似覺身邊生羽翰玉輦不來山仗遠霞冠歸去紫

芝寒新豐樹色依稀在不見祈靈太乙壇

蒼龍鐵鎖

峻嶺橫斜勢自翹如龍蟠曲遠迢遙烟霞一徑通霄
漢絙索千年鎖沈寥漸近天門神轉邁回看人世骨
應消悠然忽聽長松下白髮黃冠吹洞簫

雲峰古洞

石洞誰能料淺深等閒不見道人尋碧桃花謝有春
夏朱草葉生無古今雲出定知龍作雨日晡還見鳥
歸林夜涼如洗微風過似有仙人彈玉琴

雲庵醴泉

雲庵庵下水泉生冷浸雲根自作泓日暖注歸醴酒
甕夜涼聲在煮茶鐺寫經和墨芳馨潤漱玉臨流齒
頰清此地道人有真樂笑人奔走役微名

重遊華嶽

王汝言武驤衛人

十月重登華嶽巔空山晚照起寒烟天邊落木凋楓
葉雲裡飛流散瀑泉十丈金蓮猶自在千年石筍尚
依然峽中為問仙人骨已伴三峰日月眠

登華

周鑑平涼人

巨靈飛劍倚清秋削出三峰天際頭
玉露高擎仙掌濕日華浮動翠雲流
乘風直上五千仞回首俯看百二州
瑤草金芝如可拾無勞八極羨神遊

謁華嶽神

邵光先

山西人

伏鉞函秦謁太華巖巖仰止興無涯
名高五嶽天標柱壁聳三峰地湧花
玉女盆頭浴日月仙人掌上鎖烟霞
山靈自占鍾賢哲屏翰中朝托大家

望華

馮清

宛平人

苦膽華嶽坐虛堂簾撲清氛氣自芳
盤踞鍾靈通地

脉嵯峨聳翠接天光肩垂日月昭千古氣吐風雲統
萬方雄鎮舊雍名勝地諸山未許較低昂

鳳樓校諸生望嶽

許孚遠德清人

華嶽無山可與齊我來高閣坐凌虛仙人日下長舒
掌玉女雲中巧露裾斷壁蒼烟車馬絕寒霄孤月奕
棋初乾坤老眼浮雲外不到三峰已廓如

鳳閣差峨逼紫霄三峰拱立爾相招秋風有我排闥
闥洞府何人吹玉簫劍氣常隨明月迫蓬心坐與白
雲銷深巖欲即希夷睡却恐無情惹世朝

携爾諸生賦鳳樓何如仙子步瀛洲已看瑞氣還光
岳不少文芒射斗牛曉日斜臨仙掌動秋雲故傍野
巖淨誰將赤手摩蒼昊吞吐河山百二州

望華四首

陳于陛

南充人

五岳尋真興未酬三峰勝槩却來收張超谷口烟初
歛漢武祠前翠欲流苔蝕丹梯瑤草暮花飛玉井石
蓮秋那須身到明星畔馬上看雲亦壯遊

林端飛磬白雲斜鳥外層巒紫霧遮誰為金天開一
障宛如瑤島結三花玉漿松粒神仙藥蘿洞藜床處

士家自是此中堪避世將因碎鈿煉丹炒
名山縹緲闕靈踪秀入金霄瑞氣封箭括通天青一
徑蓮花撲地翠千重日華東映標霞掌山勢西來帶
雪岑安得冷然馭風往手攜三秀跨芳龍

太華三峰挿地雄誰將孤掌擘鴻濛芙蓉半掩青天
色日月雙蟠白帝宮石上有仙時跨鶴雲邊無樹不
棲虹自憐塵裏驅車者愧煞松蘿一枕風

登華至青柯坪紀勝六首 前人

偶從靈岳訪真源秀挿青冥勢自尊潭底五龍盤地

軸幄端雙鷺劃天門攀蘿欲借金仙掌散髮宜窺玉
女盆自有芙蓉三尺在蓮花十丈豈須論

穿蘿入谷巧寅綠嵐翠續紛墮馬前兩腋風雲生人
壑雙輪日月隱層巔赤龍飛去聞軒后黃鵠騎來鶴
子先縱有驚人詩句好那堪搔首問青天

萬里雄風送羽翰青蓮綽約近相看紅塵下界三下
丈玄圃中天十八盤霞外五松毛女洞雲邊六博叔
卿壇炎蒸未解詞臣渴一勺靈池透骨寒

望中烟朶氣佳哉疑是三神海止來坼峽霾雲高士

峭峰削壁巨靈開，銀河倒瀉晴飛雨。
石鼓高懸羣般雷，願結茅亭依玉井。
不愁薤筴闕丹臺。

兩度仙坪迴俗駕，烟霞絕巘興難忘。
欲憑芒屨青藜杖，更裹黃精白石糧。
掌上芙蓉囊五露，池頭沆瀣挹三漿。
還應坐嘯中峰頂，手摘明星散太荒。

鐵索金梯苦未攀，半山臺榭亦開顏。
秦城北漠寒烟外，漢闕南山夕照間。
雲棧千盤平若薺，龍開一曲細如環。
竒遊恨不通仙史，紫氣空留百二關。

雨中望嶽

李長春

富順人

霧雨冥冥嶽色收
空憐灝氣倚高秋
携筇難問仙人掌
睇髮誰看玉女頭
濯後芙蓉青更媚
望來菡萏翠還流
祇應再訂茅龍約
煙駕終期絕頂頭

登華

三峰合沓落空青
仗屨芙蓉灝氣冥
鳥外行雲啣絕壁
鏡中飛瀑挂明星
參差仙掌晴堪數
誅蕩天門畫不扃
步躡已憑壓骨在
御風羽翰自冷冷

望華

王世懋

蘇州人

憶昔貪奇登華頂
曾扶竹杖叩天門
只今為吏心先

折豈有驚人句尚存仙掌似招魯識面蓮花誰種得
來根纖雲髻第三峰上疑是當年染墨痕

登嶽飲玉泉院

曹當勉

江夏人

白雲洞口雨霏霏絕頂攀躋此願違松檜烟濃迷客
徑薜蘿雲濕濡征衣玄翁誰道遺骸在遊子空憐促
駕歸地主有情留曉酌玉泉小院即仙扉

華山

潘一桂

上海人

金天作鎮何崔嵬勢壓終南翠作堆五岳獨雄雲樹
麗三峰競秀露華培氣通帝座星辰近精結坤軸日

月恢安得海天青
鳥翼穿峽騎上睡仙臺

玉泉院

張珪
武功人

道院深沉倚曲隈
箇中風景絕塵埃
絳壇紫府輝金碧
珠樹瑤花障榭臺
泉湧靈源通海窟
山橫遠岱接蓬萊
欲詢往事觀碑刻
小坐重陰掃綠苔

題重修希夷祠

劉應元
河東人

好睡仙翁去不還
空留遺事在人間
舊開棟宇惟頽屋
新築宮牆傍碧山
白日香煙龕像古
青天蓮嶽石牀閒
塵緣難覓長生訣
悵望祠前松桂斑

謁西嶽廟祈雨

于璠嘉善人

步入靈祠絕點埃
翠微深處有樓臺
一簾香靄吹方散
滿地松陰掃不開
仰視威靈如止水
應知神化若羈縻
慙慙勤展拜無他祝
早沛甘霖潤九垓

得雨喜歸

前人

禱雨靈祠得雨還
天心人意默相關
綠滋村嶂千郊麥
青洗塵寰萬疊山
柳顰烟嵐迷水暗
花搖春粉點苔斑
無邊景物沾恩澤
盡在烏臺一念間

謁西嶽

余子俊青神人

雄嶽從來視上公
巖祠血食特優隆
井蓮結實根株老
仙掌擎天柱石同
千尺瀑飛龍窟雨
萬年松附兔絲風
登臨天下看來小
岱華那分西與東

代祀嶽廟

前人

白帝凝神太極先
西方憑伏獨擎天
蓮花誰上長梯摘
鳥倦人嗤絕頂騫
一辭御香熏古鼎
九成雅樂奏朱絃
祝釐纔罷重揩目
斷腸慈園雪滿顛

華山

耿裕盧氏人

太華從來四嶽肩
摩封虞舜至今傳
數峰雄據三秦

地一掌高擎半壁天功用自應參造化兩腸深望莫
稽愆巍巍配享南郊祀鞏固皇圖歷萬年

登華嶽次韻

趙楫

峰巒疊嶂枕雄關地脉鍾靈歷萬山田畝雲端迢物
外舉頭日近出人間圖南仙跡今仍在子美豪吟詠
可攀花鳥逢春多野趣登臨題詠坐幽間

華嶽崢嶸鎮古關王臣駐節喜登山石躡卧虎藏岩
內松偃蒼龍繞洞間玉女峰高空在望仙人掌大聳
難攀尋真偶得烟蘿趣暫謝塵囂午夢間

未抵長安先度關也從華嶽玩春山 當朝望祀通
天下歷代雄文勒廟間夜寂岩空聞鶴唳秋深果熟
有猿攀宦遊嘉會忻難遇冠蓋窮登盡日間

遙持使節向邊關弔訪希夷舊隱山拱日蓮峰殘照
裏擎天仙掌彩雲間車箱深谷真難到箭括巉岩未
敢攀滄海桑田今幾變地靈萬古鎮常閑

匹馬東風曉入關華峰勢壓太行山須尋鳥道寒雲
外更聽猿聲古木間洞裡丹成仙已遁岩前路險客
爭攀烟霞隱德應相會慚我塵忙幾歲間

登華

劉虞夔

高平人

誰持玉斧削層巒
鳥道岩堯欲上難
天為三秦開奧域
帝將二華擁奇觀
朝暾遠射靈花煖
晚露長凝老樹寒
坐愁不知煩慮却
但疑身傍白雲端

直躋茅龍上石磯
壁峰絕處到人稀
頓消暑溽驚時變
回瞰塵紛嘆俗非
素甲如屯雲外隱
黃河若練雨
中飛經過幸袁仙
公霞敢效華封獻
紫微

登青柯坪

魏允貞

南樂人

西來使者愛塵寰
秋杪初登太華還
自有金天雄五

嶽誰持玉節歷三山鳥飛不到凌風度鬼鑿無工盡
日攀髮華便應于此老丹丘定與駐紅顏

同沈太素丈遊華山為別時值小至

李民質東明人

凌嶒華嶽秀靈鍾有約登臨豈厭重拄杖寒光來萬
壑移尊暮靄上三峰風霜不減蓮花色冰雪寧侵玉
女容好共尋真向絕頂天門同跨二茅龍

歷險探奇興未休翻因悵別喜同遊還丹欲借仙人
洞避詔慚非處士儔君向吳門窺白馬我從函谷返

青牛故鄉雲物今非遠長日無須動客愁

登華山二首

張維新汝州人

五嶽寰中白帝雄登登蠟屐聳鴻濛三峰翠削芙蓉
出一帶黃浮渭洛通絕壑松濤吹片雨四崖瀑雪舞
長風塵氛已隔藤蘿外把酒天門倚日紅

秦山歷洛破塵眸華嶽孤標灝氣收捫薜幾回凌絕
巘積壘九點辨神州仙人露泛金天曉玉女池涵太
乙秋詩侶何須携謝眺盧敖一杖快茲遊

登華嶽

李應祥無錫人

函谷西來複嶂連，獨開蔥蒨出金天。
眼空眺望河流細，力盡躋攀鐵綆懸。
絕壁猿愁難度客，幽崖龍去合藏仙。
登臨自喜渾忘險，不作家書向下傳。

一上高峰濫客魂，大觀幾欲盡乾坤。
往來似擁真人氣，語笑疑通白帝閭。
樹轉青柯千磴絕，花開玉井一峰尊。
逍遙誰似神仙府，三詔何勞到石門。

路轉蹊迴知幾重，振衣高處訪仙蹤。
千雲峰削金人掌，濯露盆窺玉女容。
斗極仰探分咫尺，中原下矚入鴻濛。
千秋浪說秦王博，柏箭猶傳在遠峰。

華嶽摩空紫翠紛
躋攀今許破氤氲
中峰突起青蓮色
矗巘傍羅石筍紋
履舄平凌天上瀑
衣裳不斷席間雲
應知少昊司秋早
六月寒生白練裙

過華陰有懷王華巒

龔懋賢

四川人

憶昔分岐大華巒
君留京兆我還川
相憐蓬迹紅塵外
獨對蓮峰白日懸
感慨舊遊人欲老
棲遲小隱菊方妍
遙知結社江門處
不取長途尚着鞭

登青柯坪

詹思謙

常山人

百里看山興未賒
夕陽遙隱半規斜
雲巒縹緲三千

尺烟郭希微四五家天外秋聲驚一葉林端暮色繞
群鴉嗒然隱几疑南郭飛步晴窓萬壑霞

登太華絕頂

李本固 汝寧人

手捫薜蘿處處幽探奇直上最高頭三峰倒侵青天
色萬壑深涵白帝秋東俯崑函躡虎豹西來河渭走
龍虬馮虛一弔千年事大塊茫茫起暮愁

西巡至太華山下

蔣春芳 北海人

晷盡林巒天倒垂前驅飛旆入逶迤三峰翠翠當山
縣萬木蒼蒼護古祠雪裏蓓蕾米作鑑雲中函育玉

為池從來好古耽遊賞此日登臨髻有絲

華山別友

王庭詩 華州人

幾年靈嶽夢中頻此日登臨入望真一覽關河原勝地
百年冠蓋有高人雲霞常護仙人跡風雨時浴玉女新
遠別應憐千里道三峰天外憶征輪

登太華三峰紀勝

李維禎 湖廣人

石棧天梯欲度難扶筇吾自躡層巒行逢玉女松為
饌渴門金仙露可餐呼吸固應聞帝座禱祠空復構
靈壇携來居士青蓮色併作峰頭十丈看

摩空秀色鬱蒼蒼百二山河接大荒泥取一九封四
塞蓮開千葉坐中央天清霜雪仍前代月轉風霆自
下方玉策金符何處是惟餘石榻白雲傍

憑虛萬壑盡風生北斗低垂漢闕明便可兒孫呼太
乙好將真宰問長庚猶龍紫氣關門度如帶黃河嶽
麓行昏嫁向平今未了松蘿先與結幽盟

倦向東風枕石眠明星歷歷簾窓前鴻濛氣轉函三
日沆瑊身依尺五天炊黍烟分丹灶煖採薪地入欄
柯偏龍泉拭罷封陰土色奪芙蓉萬古鮮

望嶽

范守已浦川人

峻嶒碧玉望中懸，欲眺三峰隔紫煙。
祠有明星堪避俗，門容箭括可通天。
雲衣高護仙人掌，瀑布常滋太乙蓮。
為學長生憐勝地，囊中惜少買山錢。

百疊芙蓉簇大華，層巒中有古仙家。
壺公室內遺丹灶，玉女峰頭落彩霞。
勢逼雲霄通絳闕，青連秦隴到龍沙。
欲從白帝尋真訣，望斷藤蘿路轉賒。

冒雨上三峰絕頂

王士性臨海人

西來秋色滿長安，拔地三峰秀可餐。
秦晉山河千里

通轂函風雨二陵寒劈開地脉留仙掌刻入雲根渡
玉瑄欲吸金莖學輕舉此身先在碧雲端

華山

王國耀州人

岌嵒太華俯函關百一河山指顧間天削三峰形矗
矗風生萬壑路盤盤秦松鬱起蒼龍動漢石高擎白
日寒封秩元來尊五嶽祥光世世擁長安

華山

張養蒙澤州人

野色依稀背郭村探奇振策迓朝暾蓮花峭蒨雲中
出石孔瓊瑤浪裏翻玉女芳姿春不老仙人高掌露

常存我來欲上峰頭坐並挹浮丘駕紫軒
說著登華便壯遊况逢名嶽又清秋飛泉半落銀河
影宿霧常含翠壁流冉冉雲根生羽翰悠悠人世見
丹丘冷然直御天風上灝氣空中一望收

登西嶽

董基

東萊人

西嶽嵯峨通帝閭傳聞萬里走崑崙俯襟河轉渾如
帶遠漢雲連盡作叱仙掌兩晴苔欲合石蓮風動葉
擬翻却愁身世羈軒冕欲向丹臺訪道原

登華

蕭良有

漢陽人

五嶽曾聞華最妍
登臨佳興此翩翩
亂山堆處疑無路
一竅通時別有天
清泚濟河來足下
白雲磊落擁尊前
招攜況是高賢在
願借峰頭片石眠

登嶽眺河

陳諫華陰人

天遊直躡三峰上
獨立遙觀九曲明
萬禩順流懷禹績
一泓千葉襲神京
仍誇銀漢槎能到
更喜碧空鴈亦驚
賸有金莖承玉露
掌來噀世壽吾生

登華山

許侶靈寶人

八極皇圖開日月
萬年神嶽聳樓臺
黃河下湧蛟龍

出碧漢平分鶴鵲來
雍地舟車通庶國
蓮峰花霧隱三台
遊山亦有郭文興
作賦慚無謝朓才

落鴈峰

前人

華嶽三峰逼太空
最高落鴈峙峰中
晴光晃動扶桑日
肅氣長驅陸海風
驚世委無謝朓句
問天頗有謫仙雄
結茅峰畔塵寰隔
春去秋來過鴈通

再登華山

前人

登山力倦更扶筇
可是山靈識舊逢
擬向寰中訪五嶽
頻來天上躡三峰
車箱谷隱時聞虎
玉井潭深夜

起龍千載遺風慕司馬壯懷周覽未知慵

登華

趙夢麟

秋風佳氣散氤氲十大蓮花共挹芬秦地黃河千里
見胡天白鴈半空聞洗殘玉女盆中水踏破蒼龍嶺
上雲浪厲浮名都莫問塵囂已向太華分

華嶽紀遊一律

陳燁

吳縣人

太華靈竒五嶽雄登臨鳥道御天風千厓盡出星辰
上一線獨看河洛東宿處禪扉開碧落杖邊樵徑入
洪濛尋真切擬求丹訣蛻骨千年峽已空

登華嶽二首

邢雲路

三峰突兀有天門，萬仞丹梯尚可捫。
鐵鎖斷崖愁過鳥，壚岬絕壁泣攀猿。
烟霞高護仙人掌，日月晴翻玉女盆。
咫尺五雲看北極，灝靈長自擁乾坤。

神功何日開鴻荒，嶽峙巍巍肅允方。
毛女吹簫聞帝座，蓮花承露浥天香。
東來函谷生雲紫，北望長河入檻黃。
騶鶴便從支遁去，將遊塵外任翱翔。

華嶽

王來賓 華陰人

太華南臨今古雄，三峰聳峙倚晴空。
萬年號魄琳宮

映十丈蓮花玉井叢仙掌雲開迎日月天池雨過吼蛟虹生平瞻仰山靈異躡頂方知造化功

登玉泉院亭子

東實 華州人

陰陰古樹接崇臺雲歛三峰為我開澗下水聲衝石起亭前蒼色傍山隈春風入座傳盃暖細雨沾塵拂友回臨眺謾舒千里目山靈護衛陟崔嵬

登絕頂

楊四知 祥符人

翠嶽三峰天與齊峻嶒石磴草萋萋仙人掌上烟霞古玉女祠前日月低車箱壁立人難度龍巖雲生路

欲迷塵事幾時遺却後何如此地杖青藜

擬登太華山不果悵然賦此

周弘禴

湖廣人

雲迷仙掌聽鳴鍾路向青柯樹幾重紫簡玄符迎白
帝黃裳碧眼駕班龍石羊避谷如相失玉女遊春似
可逢待取菖蒲生羽翰他年飛上最高峰

華山

楊佺

華陰人

根盤百里據坤維萬古擎天不動移絕壁懸梯藏賀
老層岩鑿洞卧希夷石留仙掌雲中出巔截蒼龍空

裡馳多少靈奇無可比名齊四岳祀惟時

登絕頂

薛進

曉踏新晴入華山山青欲盡不勝難
曉巉巖恠石人驚
覩翠嶺危峰鳥倦還玉井飛來千丈瀑
金天點就萬
重嵐虎頭峰上凝眸處萬里江山一望間

遊華嶽

周夢暘

西嶽崢嶸遠更青巨靈削就接蒼冥
蓮花直撲黃河水
水玉女平臨北極星四海風塵仍郡縣
二儀高下自
清寧愛攀仙掌登千尺獨立躊躇醉眼醒

華山

李益代州人

拔出群峰接太空
長安東北此孤雄
春深尚有疑寒雪
日落還看帶夕紅
一氣鴻濛天地老
四時蒼翠古今同
華陰明發重回首
誰信山靈更有翁

酒盃無惜重淹留
回首三峰懶下樓
塵世幾人知進止
乾坤容我獨遨遊
望中雲沒天遙鳥
脚底雷騰洞裡虬
謾說秦關寄踪跡
壯心常在五雲頭

登華山二首

沈良臣東越人

攀援纔上華山阿
袖引天風下大羅
萬丈金蛇懸壁

落千年玄鶴舞青蘿吹殘鋏笛還留響着罷仙枰已
爛柯聞說希夷曾此脫何由一扣渾元歌

危崖萬仞絕躋扳仙子敲枰局正閑我欲縱觀霄漢
界誰能劈破冥迷關丹傳日月升沉內鼎在煙雲變
幻間多少紅塵貪戀客黃金那駐好容顏

登華山

查偉 雲南人

結約名山幾度春于今登眺莫逡巡蒼龍二月生秋
颼古木千林閤曉氛路入天門通一線身凌霄漢小
三秦此心偏向雲霞適莫怪當年避詔人

望嶽

周盤

嶽色當牕翠作屏嵐光靄靄逼人清雲從玉女盆中
出日向仙人掌上生遙望天門通箭括直從石竇探
金莖紅塵那共青山寐一枕希夷夢不驚

層巒峯嶺倚蒼冥誰識金天有巨靈玉柱峰頭藏帝
宅雲臺硤畔鎖仙扃瀑聲飛落千尋碧蓮影高懸萬
仞青欲寫山光入圖畫須從太乙問真形

希夷峽

前人

高卧岩扉春復秋孤琴獨鶴伴清幽半牕蘿月窺仙

夢一枕松風蕩俗愁彩鳳謾啣丹詔出野心已被白
雲留山中剩有烟霞趣不識人間萬戶侯

再過華山阻雲望三峰在雲霧中已不復
見矣或者山雲見妬而不欲偶塵俗態耶
悵然志感

漫空朔雪撲征衣歲晚天涯客未歸匹馬應憐岐路
滑雙旌惟逐凍雪飛層冰鎖合希夷峽明月深藏玉
女扉記得孤城臨大華芙蓉千仞亦霏微

登華山

張世則東海人

秦山繚繞聳如許，獨此華峰入碧霄。
只得齊天捧舜日，難驅赴海作秦橋。
雲來頂上三峰隱，客去隴西萬里遙。
恰似希夷知我至，高擎仙掌故相招。

次華陰署觀華

許守恩 涇陽人

秋光夜月快襟懷，策馬匆匆今又来。
滿目煙雲惟華岫，絆身名利溷塵埃。
黃花嫩蕊金東麓，翠竹繁枝青鎖苔。
仰止三峰嵐弄色，豁然真超透靈台。

登華山

文在中 三水人

此日負天臨八寰，半疑身到九雲間。
饒他春色深千

犬也讓青蓮綻一斑玉女噴珠明萬里羽人騎馬越
三山真源白帝仍尋問驚抱空中紅日還

西峰頂巨靈跡

張守乾輝縣人

誰向西峰頂半邊故留巨跡尚依然乾坤寥廓應同
闢世代遷移孰計年影射黃河沉遠岫夜升紅日照
危巔躋攀幾欲登絕巘漫效謫仙一問天

鎮嶽宮玉井蓮

前人

鎮嶽宮邊玉井蓮花開曾說藕如椽露滋仙掌瓊漿
潤霞映東溟海日妍絳節珠幢朝白帝青鸞玄鶴

群仙從來靈異稱名勝佳氣青葱莫萬年

望華山

屈弘智 華陰人

巍哉太華壯西州金氣揚靈漢外浮孤掌高擎捧化
日三峰并峙挿牽牛雲開石竇泉飛練雨過山頭翠
欲流有日奮身凌絕頂對揚帝德答洪休

遊中方

張守元 華陰人

約友尋幽興亦奇中方登處萬山夷泉飛絕頂吟瓊
瑟竹護琳宮遶翠微萬里乾坤容著眼一川風景足
供詩狂歌不盡襟懷闊更有昇高力未疲

同東來山登華嶽

楊九經 華陰人

太華嵯峨接上天，高懸日月吐雲烟。
興來谷口結仙侶，欲躋峰頭覓藕船。
路入蒼龍進退險，壁闢巨手古今憐。
登遊對此歡無極，風韻松喬勝管絃。

約登山

前人

靜夜思來七十強，省身日動九迴腸。
向公事業多年畢，俗子生涯猶自忙。
剖破機關輕季孟，推開世慮傲羲皇。
而今便着登山屐，最起相邀覓美商。

玉泉述懷

前人

年來年去鬢毛欺筋力衰殘志未移運蹇不為明主
用才踈惟有良朋知安貧自信如原憲樂道誰能似
仲尼欲向山中全性命白雲深處訪希夷

登嶽

前人

華麓老人樂峻峨玉泉覽罷入莎蘿喜看箭括通天
去笑指蓮峰礙鴈過負子山猿來道院呼朋野鳥噪
林阿莫因韓子阻豪興絕頂須登一浩歌

陟青柯坪

邢守庭

拄杖穿雲覽勝行奇觀色色遙相迎仙踪道骨千年

事源水高山萬古情縱目漫乘今日興賞山仍緒舊
時盟歸來倦卧雲臺觀靜境蕭蕭夢亦清

華山和韻

東萊 華州人

削出芙蓉插碧天崖懸日月洞含烟祇看今日山如
盡不問當年藕似舡局外棋閑仍是興爐空丹轉更
何憐群真朝會雲霄上到處香風遞管絃

太華

趙乾清 華陰

金天雄出鎮關西飛壁懸崖接斗齊脉發崑崙素岫
遠勢臨江漢楚雲低洞虛敢謂無仙在松老應知有

鶴栖欲見希夷真面目迴光直下是丹梯

青柯坪

屈受善華陰人

太華龍從勝槩多靈臺闕處見青柯雲生足下千山
動渭遶屏前一線過石洞有仙疑紫氣水簾無雨泛
清波登臨到此塵心同一眺三峰是大羅

望華山

孫珉齊東人

行行經過華山陰瞻仰令人連遠吟玉女峰高青黛
小金仙巖聳白雲深星河望處二三尺瀑布飛來幾
百尋我亦平生愛山水誰當邀我一登臨

登華山

李希召蘭陽人

久遲華嶽覓仙公
九籥還丹道未融
幻夢覺時皆逝水
真人栖處是瑤宮
椒庭大業心期在
玉笈遺文神授中
十里下山回首望
金天灝氣鬱葱籠

遊華山

周宇西溪人

漫倚西峰弄晚霞
倉皇一飲羽人茶
金天星斗文攢劍
碧落光芒眼眩花
十八盤頭人倚馬
五千仞頂月生華
明朝函谷頻流盼
嵐翠重封玉女家

望華嶽有感

少保李世達涇陽人

聞道甫申嶽降來關西斯際有誰哉山靈何代不毓
秀國棟胡今偶置材玉井峰頭沉巨藕仙人掌上菽
浮埃雲臺有客惟甘卧何日愿心笑口開

遊華嶽

陳效川西人

秦關幾度托行蹤初躡金天第一峰縹緲千尋浮菡
萏週遭四眺擁芙蓉中條北拱星辰近太白西聯隴
蜀封却憶逃名宜此地尋僊何日御茅龍

登太華絕頂四

俞安期東吳人

作陣金天嶽勢尊削成峰石類崑崙崙崙周盤千里風雲

府中斷雙崖日月門懸掌仙人朝捧露洗頭玉女夜
翻盆下都元與清都近親切叢霄見帝閭

絕磴窮崖細細行列仙陳跡見分明絃絲洞裏秦毛
女博局峰頭漢舛卿日出澗門窺雨氣天清石鼓報
雷聲誰將擁腫形骸換自信翻飛羽翼成

井上鉤梯倚石標晨居高遂百靈朝羽旄白帝雲來
往鱗甲蒼龍雨動搖河遠塞門天外曲日過濛汜地
中遙蒲池自古神仙館携手明星坐赤霄

蒼藤虬欂挂三峰靈異猶然入夜逢吼月神人驅石

馬呼雲酒姬挾茅龍關門氣接千崖霧陸海陰連萬壑松玉井醉眠香不細中天枕席捧芙蓉

登青柯坪

郭顯忠

青柯偏自鬱龍嵒駐節登臨意獨濃平地雲霞飛靉靆半空蒼翠落芙蓉坐當瀑布三千尺眺望關門百二重長夏躋攀無暑氣明朝還上最高峰

登華嶽二首

郭維禎

巫山人

太華嵯峨接帝閭問奇那得見靈根撐持天地仙人掌傲歷冰霜玉女盆水澗松風寒白晝洞門蘿月易

黃昏登臨便覺塵寰小始信人間有嶽尊
劈嶽何年有巨靈三峰突兀入青冥一簾飛瀑疑穿
石萬丈懸梯可摘星白氣升沉連塞漠紫雲飄忽盪
滄溟憑虛眺遠塵襟爽欲學長生漫采苓

望華嶽

南大吉 渭南人

華嶽嵒嵒壓地尊西堂終日坐相看晴峰夜拂星辰
動雲壑朝嘯草木昏河湧青蓮懸玉井關通紫氣落
金盆掀髯如躡仙人掌揮手應排帝子閭

登西嶽廟閣

前人

原缺

霞日斜凌高閣杪雲空半拂斷碑巔回看華嶽三峰
近俯眺金城萬木懸龍潭蛟洞生春霧漢時唐陵起
暮煙安得謫仙同寇老賦詩把酒問青天

將軍樹

南軒渭南人

太華山上將軍樹櫺櫺參天如有神萬壑風聲驚虎
陣千年霜色老龍鱗端姿深護金天闕勁節遙清玉
塞塵却怪當關承雨露宵人闌入不知詢

遊華山六首

南憲仲渭南人

突出金天翻日月回看北斗帶平岡摩空嶺上蒼龍

背陟險人懸白鴈行隱映霞光落箭括樂曾石勢下
車箱漸聽河漢聲如注長嘯劃然興欲狂

其二

夜雨霏微過碧峰平明削出玉芙蓉黃河如線三千
里紫氣滿關百二卦入谷偏空風習習隔林惟有鳥
雍雍相携直到朝元處彷彿雲間話赤松

其三

翠壁凌空俯上方諸峰削立如相望彈棋獨覺青天
近避靜應憐白晝長踏破潭雲觀欲起尋生洞霧腸

難翔澤曰黑龍峰名落鴈故云翻思謁帝乘春去為問真源自混茫

其四

丹竈冷冷不記年青山倒影鏡中懸仙家慣說仙人掌玉女如擎玉井蓮俯瞰四垠疑大塊平臨萬壑洒飛泉春風飄忽倦遊子惆悵虛無憶惘然

其五

昔讀古人太華篇今尋太華陟其巔雲中嶽廟丹青合天外仙踪鳥鵲傳百里蛟龍蟠石窟千年松檜鎖

寒烟題詩應有山靈笑却笑書生知菰玄

其六

神宮高閣遠煙迷落日憑虛逐望低無數玄猿絕壁
嘯一雙白鶴古松棲坐談月上三更冷行見蓮開十
齊老衲杖隨不肯去恐余臨除似昌黎

登華阻雪用壁間李宗伯阻雨韻 清源秦太僕

萬仞峻層瀨氣收凍雲漠漠踰高秋瓊瑤璀璨仙人
掌鶴髮繽紛玉女頭躡屐霧迷石室徑凭高望斷大
河流何時奮我凌風羽飛步三峯頂上游

登太華絕頂四首

慈谿文海袁茂英

為探名嶽解征鞍
曉入青柯曲磈盤
柱笏便應朝白帝
杖藜聊自學黃冠
泉飛瀑雨千巖響
風鴻松濤六月寒
出谷已知通箭括
凌空直欲駕鴻鸞

潭轉車箱路斬然
雙鋤鐵鑊更寅緣
雲封洞口知何夢
蓮長峰頭不記年
空濶但疑雷雨至
虛無只少鳳笙傳
攜耒謝眺驚人句
搔首青天杖屨前

三峰齊插倚青冥
幻蹟何年磅巨靈
渭水微茫縈若帶
秦山破碎劃如屏
蒼龍嶺仄波濤憾
玉女盆空沆

飄零欲摘星辰試高掌數聲長嘯破雲扃
層巒萬疊擁芙蓉何似蓮花十丈峰僊掌露澄早漢
殿將軍樹老恥秦封平今日月三千界俯失山河百
二重呼吸已應通帝座丹丘誰復問茅龍

遊華山

黔南越應陽

烟又靈臺對嶽光井蓮之說豈荒唐寶源丹渥金生
液瑤蕊瑤枝玉靚妝僊子千幢開逐隊真人乙葉駕
飛航誰除慾障無根蒂藕自如船花自芳
蓮花峰得枚字
振永年樹拔風生呼吸通天神鬼驚斗指長庚安苑

七言排律

宋

仙掌

真宗

三秦地勢稱奇詭太華峯形映遠空今古依然存勝
跡山河從此見神工如披雲霧青霄外似指舟車極
望中曾有靈雲迷五里舊聞禮秩視三公曉觀積
霽依依翠夕見微陽隱隱紅祈穀迴輿聊寓日好
擎穹昊協無窮

里今太白照金城關河四塞三峰鎮日月雙轡一

掌擎花鳥即賓山即主長春亘古二難并巨靈掌得擎字

半律危峰層復層雲深往是半空凌試從玉井分甘

露疑是仙家釀綠澠不死人傳松有粒長明吾愛月

為朋洗頭盆也洗腸胃言會靈源萬境澄右洗頭盆都說謂山

行盡洗五年塵土腸胃想山靈真味冷時骨髓手

秋令七宜位正端巍峨司寇少陰冠五千仞上天遙

走四十里來畫裏看泉脉流霞浮玉蕊掌心捧日弄

金九九華風月清如許媿殺塵埃坐井觀司寇冠

華山

邑人郭懋官

金精翠結芙蓉秀
灝氣寒生日月明
懷舊獨憐張谷
暗感時偏憶賀岩
清滋蘭數畹
長年志撫澗孤松
此日情行到三峰
絕頂上坐看銀漢一天橫

登華嶽

朱惟鵠

字叔融號具茨
秦王孫

杖底紛飛鶴鶴群
巖從峰勢出層雲
東來紫氣秦關
近北下黃河
晉甸分潭入車廂
通水府
牒窺玉女傍
星文致身恐在煙霄上
笑語俄驚帝座聞

登華嶽

朱懷玉

字士簡號泉石
秦王孫

天削崢嶸杖策從中霄疊疊坐芙蓉石床深卧脩羊
室帝座高窺落鴈峰雲氣微茫秦甸樹濤聲飄颻漢
年松縱因拱護千山出遂有關門百二重

登華嶽

朱懷玉

字尊生號玄谷
秦王孫

千仞青蓮逼漢迴峰頭迥立俯崔嵬素靈挾兩蒼龍
下羽客乘車白鹿來雲覆川原秦地隱日臨沙海塞
門開扶携欲借仙人掌天闕逍遙謁帝臺

望嶽

朱懷雛

字秀鳳號蓬門
秦王孫

削然獨立冠群山翠擁蓮花霄漢間秋淨明星臨漢

時天空石月照秦關
盆前王女持漿過
嶽外夕陽紅
雨還咸謂此中多道氣
漫求五嶽駐紅顏

登華嶽

朱懷紱

字不羈號石門秦王孫

嶽色高標白帝秋
登臨長夏復披裘
仙人捧月平懸掌
王女持漿下洗頭
山入塞垣窺北極
水從河洛辨中州
白榆采采星辰近
醉倚蓮花井上樓

望華岳

朱訂節

字伯開號石樓秦王孫

岳勢西來聳獨偏
群山為輔遠相連
蒼龍氣擁三峰雨
石月光開萬壑煙
捧出蓮花懸陸海
削成翠壁障

金天朱旛絳節朝真地何日祈靈帝座前

登嶽

濱東劉餘澤

蓮花萬疊夢曾攀雙屐今停日月間風御金天扶竹
杖霞餐玉井駐塵顏欲通帝座非無路不信人寰更
有山今夜吹笙調紫鳳烟巒高枕未須還

六州形勝莽蒼中灝氣高盤帝子宮側倚星辰天咫
尺下疑風雨日溟濛千尋古樹栖青鳥萬道寒泉挂
白虹把酒天門豪舉慙醉看海日座邊紅

登嶽

盤屋趙岫

參差太華俯秦川使者雙旌覽勝年日月有門通箭
括風雲無恙護金天三漿朝捧真人露十丈晴分玉
井蓮便欲乘之生羽翰招尋白帝問郡仙

五月憑高入渺茫誰將搔首問踈狂杯搖鴈影風千
仞坐擁蓮花壁四方六箸無聲秦帝博群峰如豆百
神觴平生賸有登山興一日逍遙覽大荒

三山削就勢峻嶒躡蹬攀蘿試一登地敞千年翻落
日峯高五月踏層冰蒼龍影動雲來往玉女泥深氣
鬱烝此去青天無尺五好將彩筆醉憑陵

中峯歷盡勢初平萬里遙空睥睨橫雪嶺氤氲呼太
乙雲霞變態指層城青天不動巨靈掌白日平臨北
斗明好挾茅龍一騁望便從此地悟長生

太華山前翠欲浮三峰峰上暑金妝綠雲鳥道千盤
轉抱日黃河九曲流絳節神人上座絃絳毛女洞
中秋夢遊底事今消歇誰照蒼生萬國愁我
聖祖夢遊華岳為文遣祭故末句云

五千仞絕玉芙蓉突兀追探最上峯杖底雪流飛匹
練酒邊虹影落三松浮雲不盡關門紫海氣長縣泰

岱封極目風塵千古事笑看夕日自高春

登嶽

攜李鍾英

躡霧攀蘿一線通側身天外一何雄青冥直逼蒼龍
嶺紫氣平臨白帝宮自有蓮花分太乙不須掌露乞
仙翁 君王若問乘槎使西看關門斗色崇

壯觀何處復堪論只尺空青是帝閣渺渺河流呈泡
影離離黛色拱兒孫曉厓木客看相嘯落日山靈對
一尊身世已登清淨品眼前空着洗頭盆

陪李大宗伯登華山四首

盱江王嘉命

得伴南宮劍履回相期西華采真來苔侵短褐烟霞
色日映諸峰蕙蕝開倚杖酣歌雲度曲裁詩酩酊夜
啣杯自憐物外登臨興列火看山亦壯哉

縹緲真源白晝寒春風浩蕩嚮層巒欲窺塵世三千
界須上天門十八盤仙掌雲霞身後落杜陵烟樹鏡
中看金仙得授長生訣何用緱山駕羽翰

位鎮西方爾最雄層霄聳插碧龍從峰頭玉女雲初
霽掌上仙人雪正融近覩河流纏洛邑遙看樹杪起
新豐青天不斷芙蓉色誰識當年造化功

千仞岩堯一振衣素心已共白雲飛長風萬籟生丹
壑落日三峯擁翠微曲磴祇憑筇竹杖深巖方見薜
蘿扉探奇欲叩真源穴月滿空山尚未歸

登華嶽五首

魏允中 南樂人

荒壠殘丘眼漸疲三峰忽墮馬頭時丈蓮未是人間
種鼎峙真為天下奇赤日黃塵曾不到丹崖綠樹迥
多姿西風吹冷希夷骨枕石何人復在茲

使車三傍華山行今日看山計始成險絕雲天翻向
下氣偏巖谷太多晴青天四顧黃圖歇紫塞頻年赤

地平聞道漢家修，
嶽祀那無靈應答。
羣生

五嶽平生如有因，
杖藜一試華山新。
簡書幸不妨，
事猿鳥俱能樂。
使臣雨霽南山翻，
入渭夜涼北斗欲。
低秦盈盈玉女池，
頭水為洗金城衣。
帶塵

秀色寰中第一看，
強扶塵足踏巔峴。
纔登半嶺驚秦小，
忽到中林覺夏寒。
歲月印池渾是碧，
洞霞燒石盡成丹。
風塵回首傷多事，
欲就長松掛漢冠。

倚劍曾窺青海烽，
捫蘿今度華山鐘。
誰將混沌開三鑿，
自詫孤高壓萬峰。
丹州不隨秋露老，
幽岩只有白

雲濃行天上下無人識
吾魂池中

華嶽全集卷之十二

欽命鎮寧潼關兼攝河南山陝等處地方軍民事務為平山伯馬堯耀
欽命鎮寧潼關等處地方提督軍務兼理學政防禦使劉蘇

華陰縣縣令曹士掄編輯
華陰縣學正王名堯較正

藝文

五言絕句

唐

華山

溫琬女

終日華山前為愛華山好多少愛山人不見山空老

宋

前題

寇準

只有天在上更無山與齊舉頭紅日近回首白雲低

金

華山

王特起

三峰盤地軸一水落天紳造化無遺巧丹青揔失真

元

陳搏像

楊維禎

飄飄扶搖子脫世一蹤輕何預家國事繞舌紫皇星

皇明

登華

甘為霖

登山登絕頂回首覺身高寄語同行者休辭脚步勞

前題

葉祿

貴溪人

華嶽仙人掌擎天日月高乳山叢雜處渾不露纖毫

前題

祝甫

西嶽玉芙蓉登臨眼界空一時豪興發收拾錦囊中

希夷峽

王邦瑞河南人

神仙聞不死脫骨尚如新可歎飛騰術猶能誤後人

再遊華山

陳斐鄆陵人

名山兩次看祇成八韻詩山靈應索賦留待再過時

三過華山

前人

吾家老希夷久卧雲臺觀今我訪三田白雲迷汗漫

過華陰

李禎慶陽人

日月侵人老風塵苦世紛無涯心上事欲叩華山君

華山

溫仁和 眉人

來到西華山得到昊天洞日月在洞口但見雲光動

朝元洞

楊順明 南元人

徑鑿朝元洞幽岩一架空朽軀差便捷無乃仗天工

山蓀亭二首

張維新 汝州人

水石環華趾春風上野亭看天聊自廣笑擁萬峰青

又

落日低谷口乾坤何處亭酣歌興未已題竹一林青

華山第一關

張光孝 華山人

入嶽尋仙侶天開虎豹關逍遙雲外路遊眺八紘還

太華峰

前人

環區千萬峰盡向中峰拱我來步中峰雲開春色登

登千尺幢

南軒 渭南人

箭栝通天竅梯雲百尺開仰視西峰頂渾如未上寒

懷希夷

趙士奇 襄陵人

希夷杳何許空有仙人石下藏不死丹靈光夜常赤

北斗坪 附毛女洞

張守乾 輝縣人

三峰高接天一峰臨北斗毛女不可尋白雲迷洞口

車廂谷

附俯渭壚

長峽宛車廂崎嶇無多路懸壚俯渭川東流縈練素

仙犁溝

附胡孫愁

巉巖紆斷連邃壑遠縈曲玄猿度亦愁仙人此種茶

白雲峰

附王刀洞

刁王昔登仙錢子亦同侶依然三洞留烟霞自容與

蒼龍嶺

附鷄子壚

一嶺如龍蟄蒼茫占翠微恐有逆鱗觸玄鵝不敢飛

避靜處附朝陽洞

避靜於何許朝陽一洞古仙家非畏寒天邊觀子午

山蓀亭

郭登庸山陰人

水上石亭高亭下水聲響樵客來談山共坐青苔上

太華山跡三首

汪廣洋

仙人白玉掌半山五雲間好去尋芝草移栽玉屋山

又

華嶽萬年松盤盂小可容清冷一勺水蒼翠起蛟龍

又

玉井落青天，天開五色蓮。自從采華實，又是幾千年。

登華阻雨

劉芳譽

陳留人

已與名山約，如何雨漫漫。嶽靈非是妬，為我洗林巒。

仙人掌

張應福

魏縣人

巨靈豈有迹，仙掌亦何高。黃河來萬里，如欲障雲濤。

登華不果上

洪其道

商城人

一望白雲峰，嶮巖知多少。嗟彼漫遊人，只說登高好。

登樓望嶽

邑人負一清

嶽樓高聳處，坐看蓮花峰。峰上饒松檜，峰下隱臥龍。

華嶽全集卷之十三

欽命鎮寧潼關兼攝河南山陝等處地方軍民事務馬平山伯馬世耀
欽命鎮寧潼關等處地方提督軍務兼理學政防禦使劉蘇

華陰縣縣令曹士掄編輯
華陰縣學正王名立較正

藝文

詩

七言絕句

唐

雲開見華山

李頻

夾道人家水竹間
馬頭山色盡應難
天公故故開雲

幕乞與蓮峰仔細看

玉井

僧皎然

華陰山頭百尺井下有流泉撒骨冷可憐女子來照影不照其餘照斜巔

仙掌

劉象

萬古亭亭倚碧霄不成竒刻不成招何如掬取天池水灑向人間救旱苗

華山孤松

張蟪池州人

石鏘引根非土力宵寒猶助岳蓮光綠槐生在膏腴

地何得無心拒雪霜

華山廟

張籍

金天廟下西京道巫女紛紛走似煙
手把紙錢迎過客遣求恩福到神前

望毛女峰

陸暢

我種東峰千葉蓮此峰毛女始求仙
今朝暗笑當時事已是人間七萬年

華嶽廟

王建

女巫遮客買神盤爭取琵琶廟裏彈
聞有馬蹄生拍

華嶽全集
卷之三
樹路人來去向南看

又

前人

自移西岳門常鎖一箇行人一遍門上廟參天今見
在夜頭風起覺神來

華山王母祠

李商隱

蓮華峰下鎖彫梁此去瑤池地共長好爲麻姑到東
海勸栽黃竹莫栽桑

又

前人

神仙有分豈關情八馬虛追落日行莫恨名姬中

淡君王猶自不長生

示毛女

芙蓉老人

餌栢身輕疊嶂閒是非無意到人寰
冠裳暫備論人世一餉雲游碧落間

華岳寺雪後望山

元稹

共作洛陽千里伴老劉因疾駐行軒
今朝獨自山前立雪滿三峰倚寺門

贈別華陰道士

韓君平

紫府先生舊同舍腰垂彤管貯靈藥
恥論方士小還

丹好飲仙人太玄酪

宋

留別麻衣道人

陳搏

華嶽峰前兩路分數間茆屋一溪雲
師言耳聵時知
久人是人非耳未聞

華山

前人

半夜天香入巖谷西風吹落巖頭蓮
空愛掌痕侵碧
漢無人曾歎巨靈仙

雲臺觀

韓琦

仙掌峰前羽客家玉虛宮殿倚雲霞
最高頂上誰曾

到得見蓮開十丈花

秋八月觀雲臺觀中觀大師北軒群花盛
開

前人

春早凡花百種榮秋芳能得幾多名仙家八月靈葩
發不與尋常俗艷爭

戲題仙掌

前人

三峰晴曉碧相挨仙掌分明出霧開莫向巍峨街高
手也曾先得桂枝來

自城都召還華山寄陳希夷

張復之

世人夫抵重官榮見我西歸夾道迎應被華山高士
笑天真喪盡得虛名

又

前人

性愚不肯住山林剛要清流擬致君今日星馳劍南
去回頭慚愧華山雲

過華山

潘閔錢塘人

高愛三峰插太虛
回頭吟望倒騎驢
旁人太笑從他笑
終擬移家向此居

贈潘姓詩

魏野

有賢放志多狂悞若此而今總未如
從此華山圖籍上又添潘閣倒騎驢

金

陰晦中忽見華山

馮壁

吏部能開衡岳雲坡仙曾借海宮春
蓮峰清曉忽自獻二公何人予何人

元

華山雨後

趙秉文

石頭犖确水縱橫過雨山間草屨輕
未到上方先滿意倚天青壁看雲生

皇明

太華

劉基青田人

石屏御道鳥飛迴漢帝親封玉檢來
灝氣滿空清似水芙蓉直上九天開

東峰

王履姑蘇人

此峰佳勝減三峰不斷幽期只有松
拜罷老君無託處倦將餘意坐峰東

舍身樹

前人

絕谷抽巖直透雲小松依壁寄危根
要吾也似輕生輩待取他年問伯昏

洗頭盆

前人

窪水含清照面光不防陽亢與風狂遊人若得仙人
杖先覩長生不死方

拋簡處

前人

大地焦枯雨澤空往曾拋簡震潭龍只今無限焦枯
地汝却昏昏詐耳聾

玉女峰待月

前人

萬松林裏夜蕭蕭月影來時轉寂寥試看影從何處
起正東峰上水波搖

月下觀華山諸峰

前人

月下看山夜色多
割藏無柰月明何
精神正在微茫內
不道龍蛇滿眼過

華山散仙

前人

如此為梯也不藉
不施工巧故危哉
知師擬判仙凡路
已過蒼龍嶺上來

石龜

前人

已酉宴後幾春秋
宴裏張鉦見汝不
豈怕子明饒舌
輩閑精行氣上山頭

韓姑詩說

前人

雲窻霧閣慢重重青鳥丁寧是浪通未似清風連蛺
在百千年後滿函中

鐵鑠

前人

不似區區子午間長教虞夏斷登攀伯梁度世無尋
處卷取松風獸自還

華山遙見白羊

前人

有鹿無仙鹿自奔似騎黃鶴上秋旻何當快與錙根
約白玉床前看紫雲

過蒼龍嶺

前人

相命相求萬綠中如何不敢過蒼龍關關一進堯玄
國便有雙耕斗酒風

行抵蒼龍頓怯心殷勤洞裏致辭深如今裸袒當門
卧止見青松滿地陰

登山偶成

前人

與山俱生天所造伯益前身此中老雲安熟惱正紛
紛寥落寒清閑秋草

幽經秘籙弱水外何以得到茲山中倘逢叔夜能相
許會伴長休學御風

東面神飛西面還一心雙繫渺茫間却隨鑑子長鳴
去竟是真閑是假閑

一派泉過駐馬橋意中尋到華山椒明朝背汝西邊
去莫放潺湲恨裏遙

呼馬呼牛只舊情我來不借仲尼聲懸知苦厭支離
說安敢重繙十二經

四十餘年睡不蘇得非忘物更忘吾近來片石叢衣
上還想張良范蠡無

攢棘攔人不許親豈嫌吾跡帶罽塵張超倘與誅茅

地突破門前五色雲

弈仙何處石枰空
細細松陰婉婉風
豈爲商山難固
帶共呼風雨上飛龍

不見其峰見別峰
于喁呼浪滿山風
因思珠翠匙秦
日拄杖看雲自熱中

挂冠尋竹渭南邱
那識無人與有人
但恠此心籠不
住時時飛上華山雲

過華山

解縉 吉水人

商宦西來登華嶽
黃河東去一秋毫
可憐閑却擎天

手萬里雲霄日月高

希夷

薛瑄

河津人

白雲回首是三峰
宴坐蒼苔睡正濃
人世紅塵渾斷絕
野花啼鳥自春風

陳希夷勦睡圖

番紫巖

夾馬營中紫氣高
屬猪人已著黃袍
此迴世止渾無事
可向山中睡得牢

希夷先生

五季乾坤半晦冥
先生有意俟澄清
勦勦四十年来

睡開眼東方日已明

希夷

丘濬 瓊山人

墜驢大笑便歸山
琴枕乾坤分外寬
一汴二杭閩又廣
依然春夢未曾闌

謁希夷

李東陽 茶陵人

鴻漸耻稱茶博士
曼卿空詭酒神仙
世間好著皆成累
不及希夷一覺眠

華山

官賢 平度人

元是秦中第一山
巨靈西去欲旋天
祇因世外神人

手琢得峰尖似玉蓮

華山

王暹 會稽人

關右群山此最先峰頭曾見卧神仙自從太極初分
後擎柱中原半壁天

嶽廟

楊德 夏邑人

巍巍華嶽聳晴空永奠秦關百二重聖代尊崇嚴祀
典兩賜時若歲年豐

希夷像

余洵 鄆縣人

久慕希夷仰華山今觀遺像白雲間他時投老林泉

下願逐仙踪脫俗寰

華山

李綱然

東家入

駐馬橋邊看華山分明一掌欲擎天如今民庶沉疴
久可摘峰頭玉井蓮

飛芻輓粟事多端里巷蕭條不忍看爭似希夷酣睡
好餽餉一枕白雲寒

詠陳希夷

王雲鳳

和順人

人間何事可關情雷電深山睡不驚誰道先生已忘
世墜驢一笑為蒼生

望華

王九思 鄆縣人

彩雲長覆仙人掌
古寺遙臨羅漢峯
掌上雲連西華嶽
峯前寺暗草堂松

登華山

魏謙吉 柏鄉人

攀躋名山幾萬重
手擎紅日照三峰
洗頭盆上煙霞滿
疑是當年玉女容

希夷峽

前人

萬丈懸崖一洞開
圖翁端取作玄臺
重來不是閑吟詠
故吊先生出世埃

希夷峽

趙儒 華陰人

誰人鑿得山成峽脫骨幽潛一段香谷口寒泉渾似
泣睡亭啼鳥自荒涼

風霾後華下

王忠 瀘州人

風霾散盡見星天火炬燒殘絳燭連
龜帳夢成還易覺馬蹄隱隱華山前

華山

呂柟 高陵人

擾擾風塵近玉燕壯心不欲負前賢
華山山是尋常石特立孤參萬古天

華山

張敬之

鴻蒙始判鎮秦川保障生民億萬年
鼎立三峰齊拱日高舒一掌獨擎天

謁希夷祠

王尚綱
歙縣人

松徑烟羅澗下深乘風獨上華山岑
真源欲問來時路滿地桃花何處尋

萬里花光明節鉞三峰雲影拂旌旗
馬前黃葉東風起好似圖南應詔詩

希夷石室

謝宇

林下徜徉遂隱情
松雲泉石伴幽清
不知當日安車召
若箇為霖贊治平

雲臺觀二首

喬世寧
耀州人

太華三峰凌紫煙
雲臺猶自隔仙壇
卧看虹飲星池水
笑指雲開玉井蓮

看山三度只雲臺
投老登遊更幾迴
孤負蓮峰臨大道
那從滄海訪蓬萊

望嶽

裴紳
蒲州人

昨日西馳今復東
年來真自愧塵踪
憑虛欲奮滔雲

真興在蓮花最上峰

代祀嶽廟

前人

恭承上命祈神休不是尋常浪迹遊
天子萬年天下樂微臣忠願更何求

遊華

周相 浙江人

予晉吹簫第一峰元公談寀寶珠宮
翩翩文子來何晚久迂希夷到夢中

過華

謝東山

溫泉浴罷踏歌歸何處峰頭好振衣
走馬太華山畔

寺萬株松裏坐
霏微

華山

王國耀州人

玉節當年立此山
天風送我下塵寰
勛名徧滿二千界
鶴背逍遙上碧天

宿玉泉院

魏允貞南樂人

拄杖尋幽到玉泉
蓮峰無數插青天
平生自媿風塵骨
偷學先生一夜眠

望華和韻

東郊華州人

一柱高擎霄漢表
六鰲海上噴鳴湍
仙人遠出塵寰

外笑罩雲謠步玉壇

雪華二首

楊盡忠 華陰人

六出飄飄遍九垓
華山彷彿白蓮開
岩前水溜稜稜墜
又作當年舡藕猜

峰頭盡日雪飛揚
萬壑千岩失翠光
最愛陳搏長卧處
瓊花砌地玉為堂

希夷峽

楊九澤 華陰人

小隱真堪了世情
便尋泉穴結長盟
等閑誰識冲天術
贏得神仙浪說名

北斗坪

前人

北斗坪高接上台聊乘春興暫徘徊玉清洞裏如相問為道昨霄太白來

華山雜詠十絕

孫應鰲

貴州人

撩亂紅雲桃李晨叔卿基石尚如新武皇好道原無比忍把山人作漢臣

玉女窻開眼界明仙童肅隊奏鸞笙海雲初散蓬萊色人在蒼龍背上行

洞云石室釀煙霞滿地金英雜絳花乞取峰前三徑

地荷鋤來種棗如瓜

黃蘆谷口談芝桂石羊城邊訪薜蘿雲波遙曼日在
眼滄洲之約將柰何

峰頭毛女煮白石峰下金仙騎白雲白石已爛白雲
散蒼茫何處尋靈氛

金銀氣色曉來齊閃爍光生萬丈梯瑟瑟四真棲隱
處碧雲山下碧雲谿

拂枕隱眠延露石開襟長嘯蔚藍田盡驅虎豹耕南
畝種出黃精養壽年

無憂樹發白雲隈
竹塢含煙午未開
莫訝希夷長不醒
後身今我又重來

雲氣初沉山影飄
仙人環珮坐相邀
月前共飲金樽醴
吹徹雙鬟紫玉簫

名嶽精神元磊落
山人光色自清曠
瓊枝瑤草參霄長
為問人間春盡無

客途乘興偕近峰
年兄登華嶽晚止莎蘿

坪感賦

范懋和

富順人

我來欲采山中芝
雲鎖山深恨步遲
回首自憐車馬

何如不以問希夷

登華嶽

楊炎益

浙江人

削出芙蓉天外青峰連玉女近明星何年直上五千
仞呼吸還當問帝靈

希夷峽

劉愛

一枕清風半峽煙先生豈是慕神仙黃袍不入陳橋
驛石室雖深未肯眠

謁希夷先生

劉景寅

四川人

遺林斜徑漸幽探灕灕泉流嚮道巷三尺古碑摩且

讀石嵌高枕卧國南

登灝靈樓

龔九齡

百尺危樓百尺臺三峰峙立翠屏開分明一段神仙
景那個丹青畫得來

白雲洞

無名氏

西來飛上太華峰採遍青蓮共赤松笑指白雲深處
去鹿車猶在洞門中

登華山

張光宇

八華凌霄飛紫霞仙人掌上石蓮花試登玉女峰頭

望萬里蓬萊是一家

望華

姜子燕

餘姚人

翠倚青冥蓮倒垂黃河咫尺即為池
自驚匹馬西風裏猶如孤亭六月時

天門晴雪亂飛霞翠磴丹梯望轉賒
便欲因風凌絕嶺長隨仙子飯胡麻

欲就希夷一問斯仙靈為我再三辭
君今碌碌非吾黨請向先賢學四知

青柯坪紀事

許學遠

德清人

籃輿百折上青柯一路蒼崖古木多問道蓮峰在何處舉頭紅日隔煙蘿

陟嶽何辭千尺峽探竒不畏老君溝老夫自愛人間足且傍巖阿看水流

水簾高掛幾千尋眼望松邊一竇深山澤無心自升降鴻濛飛灑到如今

玉女峰連北斗坪琳宮深隱石壇清凝香午夜團蒲坐孤月中天萬壑明

希夷

蕭廩

萬安人

此中一具希夷骨是誰曾得希夷髓我欲一口迸出
來吹倒三峰泣山鬼

望華山

李長春

富順人

丹嶂岩嵒望不孤巨靈何處可招呼摩娑欲抵仙人
掌一吸能分沆瀣無

別華山

前人

千迴石磴入層巒衣上漂搖紫翠寒絕頂何人能控
鶴笙歌猶自隔雲端

青柯坪懷古二首

楊楫

商丘人

僊掌晴懸露氣濃
明星倒掛秀芙蓉
國南獨徃成千古
雲際微茫五粒松

玉女峰頭玉井蓮
飛泉百道下雲煙
拂衣歸隱憐開徑
覓句憑虛欲問天

懷希夷先生

張維新

汝州人

洞陰石枕自清涼
世味無如此味長
恠道華山陳處士
幽情白日到羲皇

華山贈蓬頭道人

前人

秘得僊人辟穀方
乾坤甲子坐中忘
閒身每伴無憂

樹山鳥數聲松韻長

天門松

俗號將軍樹

李維楨

湖廣人

蒼龍片片吐龍文孤影中天日月分可是巨靈曾手植至今人喚大將軍

十丈蓮花玉井枯靈根千尺枕山隅貞心自許凌霜雪不受秦封五大夫

讀書華頂中秋觀月

盛訥
潼關人

生平喜對中秋月况在三峰最上頭
雲景忽開飛皓魄瑤光萬里照神州

奇抱幾年今始遂山高月近手能拚夜深素魄侵簷
冷方信吾身到廣寒

為愛清光登絕頂秋風涼冷正當時藥宮絳闕恭白
帝獨把真源示我知

人間多少登樓客高立層霄俱俯看漫對金樽渾達
旦扶桑日出五雲端

贈華山羽士

前人

飄飄一鶴下蓬萊相對蕭然萬慮迴我欲尋君問寶
訣何時好聚紫霞杯

青柯坪遇雨

楊四知祥符人

半山青障雨霏霏
道院無人掩翠微
天上遙懸蒼樹杳
座中時有白雲飛

登華

前人

清曉攀雲躡太華
諸峰片片飛紅霞
山童怪問來何處
遙指蓬萊是我家

觀玉井蓮

王來賓華陰人

躡頂同觀玉井蓮
花開不見是何年
却猜船藕根猶在
種得金蓮即是仙

登摘星石

前人

我來共上摘星臺
奇石凌峰應上台
舉手欲探星斗
近雲堆石下即蓬萊

煉丹爐

前人

外藥原來與內同
仙人煉氣此岩中
千年丹竈依然
在一竅能通造化工

陳搏夢松

李萬年 豐城人

莫怪先生不受塵
華山借在宋君前
世間甲子尋常
事一覺清風不計年

希夷

王隆

汴京龍虎風雲老華嶽蝴蝶宇宙長是非先生真愛
驅逐人羞看利名郎

華陰送李道士

張佳胤

高秋明月照秦山東去浮雲不可攀已遠天風吹紫
氣為余相送過函關

希夷峽

東漢華州人

峰頭瑟瑟鳴天籟澗裏潺潺下急湍一自圖南酣睡
去幾翻風雨亂登壇

懷希夷

郝世科高縣人

高川西華最上峰
軒軒夢繞白雲中
翻驢一笑乾坤
定可信先生只睡翁

入華山谷

楊九經華陰人

盤石垂蘿映綠霞
清幽處處是仙家
停藜坐愛山木
晚春鳥時鳴兩岸花

山中和前韻

東棐華州人

丹崖翠壁遮雲霞
隱隱深林護道家
何事清泉紅作
陣山中三月綻桃花

華山青柯坪

東思忠華州人

三峰巍偉疑天畔
萬里融和都是春
獨步雲霄紅日近
回頭漫看世間人

玉泉院觀李本寧太史碑
適華陰王明府送酒
至遂成二絕

俞安期東吳人

窈窕仙居谷口分
看碑下馬立孤雲
石間字字生
氣莫是周年藏史文

小院藤深古木蒼
玉泉按飲乞清涼
入門忽遇持甕使
玉烈分餐赤石漿

登華嶽西峰

南軒渭南人

天擁蓮峰聳嶽西
登臨頓覺衆山低
誰知天外開丹竈
更有中峰莫與齊

登東峰望老君下棋處

前人

從來僊掌擎天柱
何事偷閒漫着棋
怪殺遊人耽浪跡
凌空躡險競探奇

登玉女峰

前人

玉女峰高入太清
洗頭盃水自天成
不煩北節僊人杖
回首浮雲足底生

雲臺觀訪劉道士

前人

丹丘何處覓真師
鴈落雲臺春暮時
為指希夷長卧處
蒼松千載殞靈芝

秋日閱武夷志後憶華岳之勝因用擢歌韻兼

懷泗老實使君年丈

萬愛民

江國空傳五老峯
爭如玉女削芙蓉
瑤光直插
上遠映扶桑紫氣重

鳥道崿嶇烟霧深
秋來紅葉鋪霜林
幾段清籟九臯
鶴一片閑雲萬里心

蓮花峯頂白蓮開
玉井香飄碧浪迴
應有瑤池仙
到故教青雀送書來